



Katiterilluni ilinniusiaq

Allaaserisat katersukkat saqqummiussallu

Kommunini qaammarsaanermik suliaqarnermut atatillugu
qulequttat sammineqarsimasut
Ilaqutariinnermut Pisortaqarfik 2006 –2007

Psykolog Conni Gregersen

Aallaqqaasiut.....	3
Allaaserisaq siulleq:	4
Meeqqat immikkut mianerisariallit navianartorsiortullu	4
Allaaserisaq 2:	10
'Meeqqat kinguaassiutitigut atornerlukkat ulluinnarneq inuunerat'	10
Allaaserisaq 3	13
Qanigisanit kinguaassiutitigut atornillunneqartarnermi pisut ataatsimut kattussuulluinnarsimasarnerat	13
"Inuuusuttut toqqissisimanngitsut" pillugit pinerluuteqarsimasunut inissiisarfimmi sulisunik isumasioqatigiissitsinermi saqqummiussaq	16
Allaaserisaq 5	21
Meeqqat sumiginakkat atuartut	21
Allaaserisaq 6	29
Paarinnilluannginneq pillugu oqallinneq	29
Saqqummersitaq 1	35
Ilaqtariinni sumiginnaasoqarneranut ersiutit	35
Saqqummersitaq 2	36
Pingasunik teqeqlilik Ajoqusigaq-Ajoqusiisoq-Ikiuisoq	36
Saqqummersitaq 3	38
Inuttut kinaassutsip sakkutut atorneqarsinnaaneranut takussutissiaq	39
Saqqummersitaq 4	40
Meeqqanik oqaloqatiginninneq	40
Saaqqummersitaq 5	41
SULINIUTEQAREERNERMI MALINNAANISSAQ – MEEQQAMIK	
TAPERSERSUINISSAQ	41
Saqqummersitaq 6	43
ILAQTARIINNI NUKISSAT PIGINEQARTUT NALILERSORNERAT AAMMA ILAQTARIINNIK IKIORSIINEQ	43
Saqqummersitaq 7	44
Ilaqtariit killigititaannik misissuineq:	44
Saqqummersitaq 8	45
Saqqummersitaq 9	46
Suleqatigiit assigiinngitsunik suliallit	46
Saqqummersitaq 10	47
“Tunngaviusumik inatsisit”	47
Saqqummiussaq 11	48
Sumiginnaariatsit	48
Saqqummersitaq 12	49
Takussutissaq: Ilaqtariit paaqqinnittut attavigisartagaat	49

Aallaqqaasiut

Meeqqanik sullitaqarnitsinni atugassatsinnik Kalaallit Nunaanni inatsiseqarpugut nunarsuarmi pitsaanerpaanut ilaasunik. Tassami inatsisilianik peqarpugut meeqqamik qitiutitsisunik, pitsaangaaramik nalissaqanngitsunik, tassami inatsisit taakku sanngiinnerpaamik illersuisuupput. Meeqqanik sullissinermi inatsisiliavut meeqqat pillugit FN-ip isumaqatigiissutaanut qanittuaraapput, taakkulu Kalaallit Nunaannit – malissallugit kissaateqarnernikkut - isumaqataaffigineqarput. Maanna kissaatigisarput tassaavoq inuiaqatigiinni susassaqarfii assigiinngitsut meeqqat pillugit anguniagassanik isumammernissaat, tamannalu angussaqqaparput.

Imaanngilarli inatsisiliat kisimik imaluunniit qinikkat kisimik meeqqanik perorsaanissaq imaluunniit isumassuineq isumagissagaat. Naalakkersuinermik ingerlataqartut uagut sulinissatsinnut sinaakkutissanik sanasarput, inuunerli tamatta immikkut ulluinnarni inuuneraarput, inuuneq pilluarnerik atugarliornermillu, nukissaqarnermik nukissaaleqinermillu nassataqartoq. Ilaqutariinni inersimasut nukissaaleqinerat arlaatigut – imaluunniit arlalitsigut - meeqqat sumiginngaanerannik nassataqartarpooq.

Sumiginnaneq ajoqusiisinnaasoq aammalu angajoqqaat ilaannikkooriarlutik "kukkusarnerat" immikkoortissavavut, angajoqqaat tamarmik ilaannikkooriarlutik kukkusarput. Naatsumik oqaatigalugu meeqqat pisariaqartitaannik angajoqqaat isumaginnittuaannangajattut, taamaallillutillu qaqutigut qitornaminnik unneqaaserluffiginnittartut, meeqqanut annertuumik ajoqutasumik iliuuseqartanngitsut, ajorisassaanngitsumik isumassuisuusarput. Meeqqat piviusut atussallugit sapertanngilaat, tassunga ilanngullugu nalunngilaat angajoqqaatik inuusut nalinginnaasumik inuunillit, nalinginnaasunik kukkussuteqartartut, paatsooqatigiinnerit nalinginnaasut pisarput aaqqeqqinnejqartarlutillu, taamaalluni oqimaaqatigiissumik inuuneq ateqqinneqartarluni. Paarlattuanik angajoqqaat nukissaaleqisut amigaatilimmik aammalu nalaatsornerinnakkut pisoqarfiusumi inuusut imaluunniit meeqqap timaanut, misigissusaanut, eqqarsaataanut pisariaqartitaanulluunniit ajoqutasumik iliuuseqartut, meqqap timikkut aamma/imaluunniit eqqarsartaatsikkut ineriartornerata ajoquusernissaa navianartorsiortissavaat. Taama pisoqartillugu oqartarpugut sumiginnnaasoqartoq. Taamaalluni sumiginnaneq tassaasinnaavoq meeqqamut iliuutsit, aammalu meeqqap pisariaqartitaasa isumaginiarneranni iliuuseqanngitsoornerit.

Allaaserisaq siulleq:

Meeqqat immikkut mianerisariallit navianartorsiortullu

Taanna sunaana?

Tassunga tunngatillugu taanna ima paasivara, meeraq ulorianartorsiortoq tassaasoq pissusilersornera pissutaalluni ineriartornera atugarissaarneralu meeppaq avatangiisaanit ernumanartutut isigineqaraangat. Meeqqat sakkortuumik qisuarriartarsinnaapput, aserorteriniartarlutik, aamma meeqqat ippinnartumik qisuarianngitoortarsinnaapput imaluunniit imminnut ajoquserniartutut pissusilersorsinnaallutik. Meeqqat taakku "nallinnartutut" isigineqarsinnaasarpus imaluuniit qatsunnarluinnartumik uumisaariniaannartut misiginartarlutik, immaqa meeqqat aalakoornartulinnik imerniartartuuvinnaapput, hash-imik pujortartarlutik, tillinniartarlutik, sallusarlutik, isumagisassatik isumagisarnagit, meeqqanut allanut aporaatikulasarlutik – imaluunniit akerlianik pissusilersorsinnaallutik: tassa inuit allat kissaataat kisiisa aallaavigalugit pissusilersortuaannartuvinnaallutik. Meeqqat taakku pillugit inersimasut pakatsillutik oqarsinnaasarpus "paassiuminaatsillugu" – imaluunniit niviarsiaraq/nukappiaraq "angujuminaatsillugu". Aamma imattoqarsinnaasarpooq meeqqat nalinginnaasumik ineriartornerisa sukkassusaat meeqqat taakku malinngikkaat, malunnarsinnaasarlunilu taammaattoqarnera meeqqat nanertuutitigaaat. Assersuutigalugu meeqqat silassorippallaanngitsut, avatangiisiminnilli nalinginnaasumik silassorissusilittut iliuuseqarfingeqartut, aamma tamanna atuuttarpoq meeqqanut annikitsumik qaratsamikkut akornuteqartunut, tassami taakku avatangiisiminnit paassiuminaatsinneqartarput – meeqqat "naalanngitsutut" taaneqartartut, naak sapinngisartik tamaat naalattutut "ajunngitsutullu" pissuseqarniarsarigaluarlutik.

Meeqqat qassinilluunniit ukioqaraluarunik aammalu inooqataanermi pissaqassutsikkut sumi inissisimagaluarunik taamatut pissuseqarsinnaapput.

Meeqqat inersimasunik tatiginnginngitsuugajupput, ilaatigullu tamanna peqquaalluni imaaliallaannaq ikiorniarnissaat ajornakusoortarluni. Immaqa sulisumut ungasinniartuuusarput, oqaasiinut akuersaaginnarlutik imaluunniit nipaalluinnartarlutik, naak ikiorusukkaluarllugit "suna tamaat tikillugu" iliuuseqarniaraluartugut. Peqqusersiorfigineqarnissartik, qaangiinnarneqarnissartik, paatsoorneqarnissartik, arlaatigulluunniit atornerlunneqarnissartik annilaangagisarpaat, qanorluunniillu ikiorniarlugit taamaaliortoqartoq neriorsoqqissaarlugit oqaluffigitigigaluaraanni, tamanna meeqqanut taakkununnga sunniuteqartanngilaq.

Taavami qanoq iliortoqartariaqarpa?

Ikiueriaaserput inersimasunit ineriartortinnejarsimammat eqqaamassallugu pingaaruteqarpoq, amerlanertigullu uagut inersimasuusugut, sulisuuusugut, meeqqat ikiorsinnaassagutsigit suut ilisimassallugit pisariaqartinnerlugit isummatsinnik aallaaveqarajulluni. Taannarpiarlu meeqqat imaaliallaannarlutik ammarsinnaasanganngerannut peqquaalluni immaqa mikinerminniilli – eqqarsartaatsikkut imminnut illersuutissanik imaaliallaannaq peerneqarsinnaanngitsunik ineriartortisariaqarsimapput, taakkulu kinaassutsiminnut ilisarnaatitut isigilersimallugit. Amerlanertigut meeqqat ajornartorsiuteqanngitsutut misigisarput, tassami iluminni qanoq ittoqarnerata maluginnginssaa ilikkarsimavaat. Immaqa angajoqqaat annersitsisarnerannik, imertarnerannik imaluunniit allatut iliuuseqartarnerannik oqalunneq isumaqataaffigisinnavaat, namminnerli ilitsorissutsiminni nalinginnaasumi ajornartorsiutitut isigisarnagu. Taamaattussaannartut

isigisinnaavaat – pissutsit allaasinnaanngitsutut misigisinnaavaat, taamaattumillu inuttut kinaatsitsiminnut imaluunniit inuunerminnut (pisumiit pisumut assigiinngissinnaasumik) ilaatiinnarlugulusooq, ajornartorsiutit atorlugit inuuniarnissartik ilikkarsimasinnaasarlugu.

Uagulli sulisutut - naak ajunngitsumik siunertaqaraluarluta – meeqqap inuunerata ilorpiaanut pinaaserluta iserniarsarigaangatta, taamaaliornerput meeqqap innarliiniartutut/saassussisutut amerlasutigut misigisassavaa – tassami imminut illersorneq meeqqap kinaassutsimisut isigigamiuk. Taamaaliornermi ajornartorsiutit aallaavigalugit imminut kinaassusersinissamut illersuutaavoq pitsaanerpaaq. Taassuma saniatigut taammaaliorneq eqqarsartaatsikkut nukissanik atorluaanerusarpoq, ikiorneqannginnerup nalaani meeqqap nukissaqartutut misigisimanini attassinnaasarmagu. Nukappiaqqap/niviarsiaqqap malugisarpaa iliuuseqarsinnaalluni, iliuuseqarluni taamaalillunilu pitsaasumik kinaassuseqarnini attassinnaallugu.

Taamaaliornerli akeqarpoq, tassami meeqqap pisariaqartitami suunerisa maluginiarnissaat annasarmagu aammalu misigissutsiminut attaveqarunnaartarluni. Attaveqarneq taanna imaaliallaannarluni pilerseqqinnejqarsinnaanngilaq, meeqqap pisariaqartitani tassanngaannaq ilisimalersinnaanngilai malugilersinnaanagillu. Imminut ilikkarniassagaanni piffissaq sivisooq atorlugu sungiusartariaqarpoq, tassa eqqarsartaatsikkut nukissat annersaat imminut illersorniarluni piissusilersormut atorsimagaanni, taamaaliornikkummi pisariaqartitat misigissutsillu taakkorpiaat atornaveersaerneqartarmata. Meeraq nammineq iluminut attaveqartinniarlugu pinngitsaalineqaruni ”aserussaaq” imaluunnit minnerpaamik imminut takornartatut misigissalluni.

Taamaattumik meeqqap iluata qiterpiaani qanoq pisoqarnersoq nassaariniassagutsigu, meeqqap imminut illersorniarluni aaqqissuussinerata akuersaarsinnaasaanik periusissamik nassaartariaqarpugut.

Malunnaatilimmik piaartumik iliuuseqarnissaq

- Meeraq ulorianartorsiortoq arlaataluunniit misigippagu/malugippagu sapinngisamik piaarnerpaamik ilaqtariit ikiortariaqarpavut, - toqqaannartumik innarliisoqarneranik – sumiginnaarujussuartoqarneranik ilisimasaqalerneq SIOQQULLUGU,
- Tarnip nalunngissusianik tunngaveqartumik ilimasunnerput asuliunngitsutut tigussavarput, soorunami misissuereerutta aatsaat ilumut taamaattoqarneranik ilisimasaqarnerput upperilissallugu.
- Katsorsaasutut/sulisutut piviusut nassuerutiginissaat, suliap aallartinnissaa qunugissanngilavut, – pissutsit misissuiffiginissaat qunugissanngilavut.
- ”Tapersersugassarput toqqassavarput” – tassalu sanngiitsop, tassa imaappoq meeqqamut tapersersuisutut inissittassaagut, akuusullu tamarmik oqaloqatigisinnaasaminnik ”peqarnissaat” isumagissallugu.

Neriuutissaqannginnerup iliuuseqarfiginissaa ilinniassavarput:

- Tunniutiinnarnani, iperaasinnaallunili – ilaqtariinni paatsiveerunnersuup ilimagineissaanut qunussanngilagut tamakkiisumik isiginnissinnaanerp/suliap sumut sammiveqarnerata paatsiveerunnissaa annilaangassutiginagu –
- Alapernaattuaannarneq unitsinneqassanngilaq –

Sunniisinnaassuseq allannguinermut atorniarsarineqassaaq ilimagineqanngitsumik "arlaatigut" iliuuseqarnikkut – tamatumalu qanoq kinguneqarnera maluginiarlugu, paasisat aallaavigalugit suli allanik paasisaqarnissaq alapernaaffigineqassaaq/apeqqutit nutaat takkussuutissapput ...

Taama iliorneq ilaanni suliap ingerlaqqinnissaanut aqqutissanik nutaanik tikkuussisarpoq, sullitamut/ilaqtariinnut iluaqutaasumik suleriarnissamut aallarniutaasinnaasumik.

Imaassinnaavoq taamaaliornikkut ilaqtariit pitsaanerusumik ingerlarusulernissamut alapernaatsunngortinnejarsinnaasut, naak isumaqaraluarlutik ingerlanertik AJUNNGITSUUSOQ.

Pissusiviusut aallaavigineqassapput, ilaqtariit atugarliuutaat toqqortornagit imaluunniit millisinniarnaveersaarlugit – uani isumaavoq namminneq inuunerminnut akisussaasunngortinnissaat, inuk taamaaliorssinnaanngilaq inuunerminut akisussaaffimmik arsaarneqaruni.

Piviusut aallaavigalugit sulineq

- Assigiinngitsunik ilinniagallit aamma oqartussaasoqarfinni assigiinngitsuni sulisut suleqatigiillutik siusissukkut iliuuseqarnissaat
- Suliap piffissami sivisuumi ingerlanissaata piareersimaffiginissaa
- Isumassarsiullaqqissusermik atuinissaq – nukissat pigeriikkat aamma imaluunniit piginngissorisat atorlugit!!!

"Iluatsinnissamut perarfissaqanngilatit – taanna atorluaruk "

Sulisut suliffeqarfimmi allami suliffillit ikiortiserineqassapput, assigiinngitsunik ilinniagallit suleqatigineqassapput, suliamut tunngassuteqartut avatangiisinniittut suleqatigineqassapput.

Nammineq pisuusutut misiginermik aammattaaq kanngusunnermik meeqqap qanoq nanertisimatiginera misissorneqassaaq – taaku immikkoortinnejassapput: meeraq misigiva nammineq eqqunngitsuliorsimalluni? – nukappiaraq/niviarsiaraq misigisimava *kukkusuulluni?*

Inuup peroriartornera aallaavigalugu kanngusunneq pisuusutut misiginermiit siulliusarpoq.

Sakkortuumik kanngusunneq meeqqap mikineranii, tassa ataatsip marlullu akornanni ukioqarneranii, qaangiinnarneqarnermik misigisimaneranut takussutissaavoq. Paasineqarsimavoq meeraq avatangiisiminit soqutigineqanngikkuni/takuneqanngikkuni/tarrarsorfissaqanngikkuni

kanngusunnermit eqqorneqartartoq, tassa imaappoq pigisaq/misigissuseq/eqqarsaat taanna kukkanutut migisitsisinnasoq, "piusussaanngitsutut" ittoq - imaluunniit meeraq nikanarsarneqarsimasoq, atornerlunneqarsimasoq, naalliutsinnejarsimasoq - imaluunniit allatut pineqarsimavoq allangortitassaanngitsutut misiginartumik eqqunngitsuliorsimasutut imminut isigilersimalluni.

Taassuma paarlattuanik pisuusutut misigineq kingusinnerusukkut takkuttarpoq, pingasut tallimallu akornanni ukioqalerneremi.

Taamaattumik pisuusutut misigineq katsorsassallugu kanngusunnerminngaanniit ajornannginnerujussuovoq.

Kanngusunnerup "meeqqap kinaassusaa" nanertarpaa, "imminut annaatillugu".

Pingaartuuvoq meeraq oqarfigissallugu sulisutut qanoq eqqarsarnerluni qanorlu ilimagisaqarnerluni – pisut aallaavigalugit eqqoriaalluni aalajangersimasumik isumaqarneq saqqummiunneqassanngilaq!!!!

Nalinginnaasunngorsaaneq

Meeqqat allat inersimasunik imertartunik najugaqateqarnissaq ajornakusoortutut isigigaat meeqqap tusaraangamiuk oqiliallaatigisarpa – tassa inersimasut aalakoorujussuarnerminni nakuusertarpa nakuusertanngikkaluarpatluunniit. Uani pingaarneruvoq nalornineq, toqqisisimanninneaq, pisussat eqqoriaruminaattarnerat – maannakkummita qanoq taakku pinialernerannik nakkutiginnittuaannarneq nukersornartorujussuusarmat. Meerarpassuit oqiliallaatigisarpa tusaraangamikku inersimasut imertarnerat – imminortarnerat – paasarnerat meeqqap pisuussutigingisaannaraa, naallu aallaqqaammut meeqqat nalornisutut qisuarfigisaraluaraat, immaqalu upperisanngikkaluaraat, taakku eqqartortuarnissaat pingaaruteqarpoq.

Pisariaqarpat meeraq aperineqarsinnaavoq meeqqanik allanik nalunngisaqarnersoq angajoqqaavi imertartunik – meeqqat akunnerminni tamakku oqaluuserisarneraat, angajoqqaat imeraangata qanoq misiginartarnersoq – tamakku pillugit meeqqat allat oqaloqatigigaanni qanoq issanersoq ilimagineraat ...

Ilaqtariinni atornerluiifiusuni (imigassaq, nakuuserneq, atoqatigiinneq, iisartakkat...) **ISERTUGAQARNEQ** atuuttuaannarpooq aammalu **ATTAVEQAQATIGIINNIKKUT MARLOQIUSAMIK IMMINNUT PITUTTORSIMANEQ** ilaqtariinni taakkunani nalinginnaasarlu. Ilaqtariit akunnermini pisunik tamanik nalunngeqatigillutik, imminnut tapersersoqatigillutik il.il. **OQARTARNERAT** nalinginnaavoq, misisoqqissaaraannili, assersuutigalugu ataasiakkaarlugit oqaloqatigaanni, imaluunniit sammisat aalajangersimasut pillugit oqaloqatigigaanni paasinarsisarluni taamatut ilisimasaqarsorineq tassaasartoq nammineq pissutsinik allamut nuutsitsineq imaluunniit taamaattoqarnissaanik kissaateqarnermk aallaaveqartartoq. Kiisalu ilaqtariinni atornerluiifiusuni **KILLISSARITITAASUTIGUT AJORNARTORSIUTEQARTUAANNAngajappoq**, makkuusinnaasunik:

- 1: avatangiisut tunngatillugu killissarititat
- 2: kinguariit akornanni killissarititat
- 3: inuit ataasiakkaat akornanni killissarititat
- 4: inuup nammineq ilumini killissarititat
- ingerlanerliortuusarput.

Sulisutut uagut qanoq akulerunnissatsinnut / suliniutissanik aallartitsinissatsinnut, killissarititat suut qanorlu aserorneqarsimanersut ilisimassallugit pingaaruteqarpoq.

Meeqqamut qajannartumut anniaatilimmullu attaveqaqtiginiarneq iluatsissappat, taava inersimasut iliuuserisartagaannit meeqqap sungiusimasaannit aallaanerusumik periuseqarluta meeraq attaveqarfingisariaqarpalput.

Illit inersumasuugavit sinaakkutissat isumagissavatit, meeqqalli qanoq imaqarnissaat aalajangissavaa. Meeqqap saqqummiussai meeqqamik ikiuinissamut pingaarutillit atussallugit illit akisussaavutit. Taamaaliorniaraanni eqqarsartaatsip pissusaanik ilisimasalittut/katsorsaasutut marloqiusanik inissisimaffeqarluni meeqqamut attaveqartariaqarpoq: Attaveqariaaseq siulleq meeqqap nammineq saqqummiukkumasaanik aallaaveqassaaq, aappaalu misissuinermitk aallaaveqassalluni, tassa meeraq qanoq qisuarriaaseqarpa, attaveqartarnera qanoq ititigaa qanorlu misigissutsinit aqunneqartigaa, meeqqap attaveqarniarnermini oqaatsinik atuinera qanoq ippa? - attaveqarnaveersaarnermini oqaatsinik atuinera qanoq ippa? - ilinnit takoqquaarluni imaluunniit ilinnit takunaveersaartilluni allatigut qanoq pissusilersorpa. Isaatigut toqqarlugu isigigaanni meeraq qanoq qisuarriartarpa, toqqarlugu imminut nakkuteqaritiigiinnerup attanniarnera meeqqap qanoq qisuarfigisarpaa? - attaveqarfiginera unitsinnialeraangakku meeqqap tamanna qanoq qisuarfigisarpaa? Meeqqap annilaanganera qanoq annertutiginersoq malugisinnaaviuk? - attaveqarfiginerata nalaani? Misigissutsitit suut (meeqqap nammineq pissutsiminik ilinnut nuutsitsinerata saniatigut) meeqqap ilinni pilersippai? - nukappiaqqamit/niviarsiaqqamit uumisaarneqartutut misigivit? - naakkigaajuk? - tunniutiinnaruit pitsaanerutissallugu kissaatigiinnarpiuk? - inissisimaffimmik pitsanggorssaataasinnaasunik isumassarsivit?

Aalajangersimasumik periuseqarluni meeraq ilisimasaqarfingilerniaraanni periuserineqarsinnaasoq tassaavoq - aamma meeraq ukiukitsunguugaluarpllunniit - ilaqtariit/kinguaariit titartaanikkut kikkuunerannik inissititerineq inuillu tassaniittut assigiinngitsut kikkuunerat oqaluuseralugu - kikkut imminut nuannareqatiginneruppat, kikkut imminut nuannarivallaanngillat, kikkut imertarpat, annersitsisarpat, atoqatigittarpat...mianersortumik ingerlalluni taanna suliassaavoq..

Soorunami aamma meeqqap nammineq titartagai pingaaruteqarput.

Misissuinermitk suliaqarnermi, meeqqap killissai sumiinersut misissuutigalugit iluaqutaasinnaasoq tassaavoq meeqqap imminut titartartinnissaa. Timip pisatai oqaluuseralugu, inuit timistik qanoq aquettareraat oqaluuseralugu, timip qanoq atornissaanik piginnaanerinillu nammineq ineriartortitsinissaanut aalajangiinissamut pisinnaatitaaffik oqaluuseralugu - inuup piginnaanerminik atuinissaminik nuannarisqaerner - taamaaliornelu inummut peqqinnartuuusoq - timip suut pisariaqartinnerlugit oqaatiginnittarnera - tamannalu qanoq pisartoq? - timip qanoq oqaatiginninnierner "tusaaneqarsinnaasoq"? Alloriarneq tulliuttoq tassaasinnaavoq misigissutsit timimut inissititerneri. Kamaneq, asanninneq, nuannaarneq, annilaanganeq, aliasunneq...kanngusunneq pisuusutullu misigineq, nalormineq uumisaarneqartutut misigineq sumiippat, qalipaatit assigiinngitsut atorlugit titartagaq qalipaasersorneqarsinnaavoq. Tassa meeqqap killissarititai sumiinersut paasiniarlugit isumassarsiaasinnaasut tamarmik iluaqutaasinnaapput.

Pinngussat misigissutsinik nuutsinnissaanut iluaqutaasinnaasut, meeqqanut artornartorsiortunut ikuutaasinnaapput, assersuutigalugu pinngussat "piginnaanillit" meeqqap misigissusaanik aalajangersimasunik saqqummiisinnaapput - misigissutsit taakku qanoq sakkortutiginerat qanorlu "iluseqarnerat" eqqoriarneqarsinnaasunngortittarpaat - kiisalu imminut illersorniarluni pissusilersuutit suunerat takujuminartunngortissinnaallugu. Meeqqat immikkut mianerisariallit navianartorsiortullu amerlanertigut misigissutsiminnik aqutsinerminni tunuarsimaartorujussuusinnaasarput imaluunniit initoorujussuusinnaallutik, tamatumunnga peqqutaasarluni kinaassutsiminnik namminiussutsiminnillu ataatsimoortitsinarnerisa sanngiissuteqarnerat. Tamatuma kingunerisarpaa pissutsit qanoq

ikkaluartulluunniit ”imminiuginnarnissartik” ajornakusoortittarmassuk, inuttut kinaassusiat pissutsit massakkorpiaq qanoq innerannit ilusilerneqartarluni, paarlattuanik pissutsit qanoq innerat apeqqutaatinngagu kinaassuseq ataasiusaraluartoq.

Pinngussat, misigissutsinik aalajangersimasunik saqqummiinissamut kissaateqalersitsisut misigissutsip taassuma takutinnissaata akuersaarneqarneranik meeraq paasitissinnaavaa, paarlattuanik pinngussat misigissutsinik saqqummiisitsisangngitsut meeqqat ”soqutiginnilersittanngilaat”. Meeraq pinngussamik tunineqartassanngilaq, taakkuli meeqqap inunngisaaniitneqartassallutik, assersuutigalugu natermiitillugit, pooqattammiitillugit, angalalluni nassatat akornanniitillugit. Meeqqap nalussanngilaa nammineq kissaatini malillugu pinngussat pinnguarisinnaallugit aammalu iperarsinnaallugit, aserorternagilli. Tassa pinngussat misigissutsinut tunngasuni siunertanut assigiinngitsorpassuarnut iluaquatasinnaapput, soorlu misigissutsinut makkununnga: annilaanganeq, kamanneq/sukasimaarneq, aliasunneq, misiginneqataaneq, nuannaarneq. Misilitakkakka malillugit meeqqat taamatut ajornartorsiuteqanngitsut pinngussat taama ittut ”quianaannartutut” imaluunniit ”tissinaannartutut” isigisarpaat – akornutitut isiginngilaat, aammali pinnguarerusunnagit. Paarlattuanilli meeqqat aserorneqarsimasut akersuunnermut, isumassuinermut il.il. atortarpaat...

Uani aalajangiisuunerpaavoq niviarsiaraq/nukappiaraq ataqqineqarluni inuttut naligisatut, soqutiginartutut nalilittullu pineqarneranik misigitissallugu. Immaqa taamaaliornikkut imminut illersorneq ima qasukkartinneqarsinnaatigilissaaq toqqortukkat suunersut takutinnissaannut ammarsinnaalerluni.

Allaaserisaq 2:

'Meeqqat kinguaassiutitigut atornerlukkat ulluinnarneq inuunerat'

Kinguaassiutitigut atornerluinermik uani eqqartuininni pivakka kinguaassiutitigut iliuuseqarnerit, inersimasup atoqatigiinnikkut piumasaminik angusaqarniarluni meeqqamik attaveqarnermini kinguaassiutinut saatsitsisarnera. Kinguaassiutitigut atornerluisuusartut – taakkusuullu meeqqamut sakkortunerpaamik kingunipiloqartartut - tassaasarput inersimasut meeqqamit tatifisaasut.

Takuneqarsinnaappat?

Ukiut qassialuit matuma siorna meeqqat kinguaassiutitigut atornerlunneqarsimasut immikkut ilisarnaataat ilikkarakkit, paasivara ukiut ingerlanerini meeqqat kinguaassiutitigut atornerlunneqarsimasut ukiuni arlalinni naapittarsimallugit taamaattoqarsimanerali naluinnarsimallugu. Tamakkuninnga ilikkagaqarnerma kingorna meeqqat "qanga" takusarsimasakka eqqaasarpakka, meeqqat arlaatigut puiukkiussimasakka – aamma katsorsaasut allat puiukkiussimasaat. Meeqqat taakku ilaat tassaasimapput qiteqqunnerit "tamaasa" oqaluuserineqartartut, taakkumi qanoq iliorlutilluunniit "tamatigut" inersimasunit malugeqqusaartutullusoq pissusilersortarsimammata, imaluunniit "taamaanngisaannarmata", soorlu oqaatigineqartartoq kikkunnit "tamanit" asuli uumisaarisutut misagineqartartut. Meeqqat allat eqqaaasartakkakka tassaapput "iluatsiffeqanngisaannartut", meeqqat "tamatigut" iluatsinngitoortartut imaluunniit aaqqissuussanut nalinginnaasunut meeqqat allat peqatigalugit orniguffisanut peqataanngitsoortartut arlaatigut ajutoornertik imaluunniit napparsimalernertik pissutigalugu aammalu meeqqat neriniarnerup tungaatigut ajornartorsiillit. Aamma suli meeqqat allat taqungasut, taakku soorluli malunnanngitsumik qimaguttartut – ersikkunnaarlutik, allaat meeqqerivimmi perorsaasut oqartarlutik ullumi meeqqap taassuma meeqqerivimmiissimanera imaluunniit meeqqerivimmiissimannginnera malugisimanagu.

Oqartoqarsinnaanngilarli meeqqat taamatut pissusilersornerat tunngavigiinnarlugu ilumut meeqqat kinguaassiutitigut atornerlugaasimasuusartut. Pissulersuutit tamarmik taaneqartut aamma meeqqat kinguaassiutitigut atornerlugaasimanngikkaluartut pissuserisinnaasarpaat.

Taamaattuminguna suliassaq taama nalunartigisartoq.

Tusaaneqarsinnaappat?

Meeqqat kinguaassiutitigut innarlikkat atukkatik pissutigalugit paatsiveeruttarput. Immaqa ajoquisiisoq oqartarpoq marluullutik iliuutsitik nuannersuusut immikkullu illuinnartuullutik – meerarli allarluinnarmik misigisaqarluni, tassalu annilaarujussuarnermik, anniarnermik, uumisunnermik, maajunnermik il.il.. Eqqarsarsinnaasaporlu immaqami ilaannikkut nuannersuusartoq, meeqqallu ilaat isumaqartarput ajunngitsumik pineqassagunik pilliuteqartariaqarlutik.

Meeqqat kinguaassiutitigut atornerlugaasut allanut oqannginnissartik aalajangiussimalluinnartarpaat. Immaqa nammineerlutik aalajangersimasinnaasarpaat kinguaassiutitigut atornerlugaaneq qanoq maajunnartigisoq, annernartigisoq, annilaanganartigisorlu, imaluunniit qanoq kamatsiginertik ikiligaasimatiginertillu kikkunnulluunniit oqaatigissanagu. Taakkunanngali ikinnerpaat kinguaassiutitigut atornerlugaanertik toqqortussallugu pissutissaqartarput. Meeqqat amerlanerpaartaasa atornerlugaarnertik isertuuttarpaat ajoquisiisumit ussassarneqartarnertik imaluunniit

sioorasaarneqartarnertik pissutigalugu. Taamaallillutik meerarpassuit kinguaassiutitigut atornerlugaarnertik isertuuttarpaat, oqaatigigaluarunikku qanoq kinguneqarnissaanut qunugamik, immaqalu annilaangularujussuaramik.

Naak meeqqat isertukkatik oqaatigerusunngikkaluarlugit, nukiit atornerlugaanermik unitsitserusukkut sakkortusarput. Naak meeqqat oqartoornissartik mianersuulluinnaraluaraat – allaat ilaat nipaalluinnalersarlutik, oqartoornissartik annilaangagilluinnaramikku sunaluunniit oqaluuserinaveersaaraluarlugu, pissusilersuutaasa "ersersittarpaat" inuuneranni ajorluinnartumik pisoqartoq.

Imaassinjaavoq qulaani taaneqartutut pissusilersortut, imaluunniit pissusilersorernimmi atoqatigiinnermut tunngasunut sammititsisartut, assersuutigalugu malunnarluinnartumik sammisat atoqatigiinnermut tunngasut soqutigalugit, ukiuminnut naleqqiullugu atoqatigiinnermut tunngasunik sukumiilluinnartumik ilisimasaqarnerujussuaq inersimasuinnaat ulluinnarni atoqatigiinnerup tungaatigut ilisimassassaralui, pinnguarnermi atoqatigiinnermut sangutitseqqajaaneq, imaluunniit attuumaneqarnissaminut malunnaatilimmik annilaanganerujussuaq takussaasarpoq. Aamma suunera aalajangeruminaatsumik ersiutit takussaasinnaaput, assersuutigalugu meeqqat nuannaarfearatik, soqutigisaqaratik aammalu pinnguaqataarusuttaratik allanullu attaveqarnissamut kajungissuseqaratik. Meeqqat kinguaassiutitigut atornerlukkat ilaat inersimasorpaluttumik pissuseqalersarput, ilaat inerniartornermikkut unittoortararlutik allanillu naleqannginnerusutut pissusilersortararlutik.

Taamaattumik meeraq kinguaassiutitigut atornerlunneqarnersoq "imaaliallaannarluni" paasineqarsinnaanngilaq.

Meeqqat kinguaassiutitigut atornerlukkat, taama atugaqaraluarlutik inuunertik attanniarlugu, allatut ajornartumik eqqarsartaatsimikkut qajannaatsumik imminnut illersuusiotarput. Misigisatik morpaassinjaavaat (puigortuusisisinnaavaat) imminnut oqarfigalutik taama pisoqarsimanngisaannartoq imaluunniit imminnut salloqittarnermikkut eqqaamasaminiit pisut aamma taama ajortiginngitsut aaljangiussinnaallugu. Meeqqat ilaat ima inerniliisarput immaqaana sinnattuinnarsimallutik imaluunniit takorluuiinnarsimallutik.

Ilaannikkulli atornerlugaanini meeqqap oqaatiginiartalaruarpa. Ilaannikkut qanoq pineqarsimanertik toqqarlugu oqaatigisarpaat, ilaannikkullu toqqarnagu qanoq pineqarsimanertik inersimasut eqqoriaanissaannik ikiorniarlugi oqaluttararlutik. Meeqqat oqaatiginiagaat inersimasut qaangiataaginnaraangassuk imaluunniit upperinngikkaangassuk meeraq isumaqalersarpoq ajoqusiisup oqaasii imaluunniit iliuusai ILUMUT eqqortuusut, namminnerlu misigisatik eqqunngitsuusut. "Ilisimasaq" taanna killormoortoq meeqqani itisuumik inississinnaasarpoq kingusinnerusukkullu pigiunnaarniarnera ajornarluinnangajattarluni.

Taamaattumik meeqqat taama inissisimasut ikiorniarlugit qanoq iliornissatta nalunnginnissaa pingaaruteqarpoq.

Takusaqarnissarput tusaasaqarnissarpullu sapinngilarput?

Meeqqat atornerlugaanerminnik nalunaarfiginiaraangatigut inersimasuusugut sooq taama "poqiitsigisarnerput" sammissallugu pingaaruteqarpoq.

Ajornartorsiut taanna assigiinngitsunik aallaaveqarpoq. Kissaatitta ilaat tassaavoq "taama" pisoqartannginnissaa, taamali kissaateqarnitta ilaannikkut sequunngertissinnaasarpaatigut, pisullu

saannguatsinniikkaluartut takkuitsoorsinnaasarlutigit. Taassuma saniatigut immaqa eqqatsinni inersimasut meeqqallu akornanni atoqatigiinnermut tunngasunik pisoqartoq paasigaangatsigu nalornisorujussuanngortarpugut. Malussarnivut ilumut eqqortuunersut aammalu eqqortumik iliuuseqarnissamut piginnaaneqarnerluta nalornissutigilersarpavut – inuk ilisarisimasarput ilumut "taamaaliorsinnaanersoq" paasiuminaatsilluinnartarpalput, aammalu inersimasut meeqqanik ajoquisiisut qanoq pissuseqarluta iliuuseqarfinginissaat nalornissutigisarlutigu. Inersimasunut pasilliuteqarnissaq ajornakusoortarpoq, takusaqannginnissarlu ajornarnnginnerusarlunilu.

Meerarli nanertuuteqartutut pissusilersortoq takugaanni qisuariarnissaq pingaaruteqarpoq, tassunga peqatigitillugu meeqqap inissisimaneranut ajorseriaataanngitsumik qisuariartoqartariaqarluni. Tassa imaappoq meerannguit Annap imaluunniit Ottop kinguaassiutigut innarlerneqarsimmasinnaanerannik pasitsakkaanni ingasaassinani qisuariartoqartariaqarpoq. Iliusissatut innersunneqarsinnaasut marlussuit ukuupput:

KISIMIILLUNI ILIUUSEQARTOQANNGISAANNASSAAQ: pasitsaassaqaruit suleqatit/pisortat nalunaarfiguuk, taamaalillutit ilisimasat kisimiillutit akisussaaffigissanngilat. Sumi inissisimanerit nassaariguk, meeqqallu atugarliortutut isikkoqarneranut "ilaqqunnaveersaari".

ARRIIITSUMIK TUAVIORNEQ: meeqqat paarinerlugaanerat imaluunniit nikanarsagaanerat, imaluunniit peqqissusaat ineriarnerallu navianartorsiortinnejartoq paasigaangassiuk imaluunniit pasitsaakkaangassiuk iliuusissatut pilersaarusiornissarsi pingaaruteqarpoq, taamaaliornermut atatillugu meeqqap soqutigisai ilissilu isumaginninnikkut oqartussaasunut nalunaaruteqarnissamut pisussaaffigisarsi ataatsimoortillugit isumagisariaqarpasi.

Uani killormut sammisutut ittunik pisoqartarpoq - tassami meeqqat isertugartik suna tamaat atorlugu attanniartarpaat - amerlanertigullu atornerlugaanerup paasisaanissaanik suliniuteqarnerput "akornusersorsinnaasarlugu". Qanoq pisoqarsimanera eqqaamasinnaasanngilaat, oqaatiginissaa annilaangagisarpaat - imaluunniit oqaasitigisinnaasarnagu

Meeqqat annilaanganerisa ataqqinissaat pingaaruteqarpoq paasisaqarumaannarlatalu pinngitsaalineqartutut misigitinnginnissaat pingaaruteqarluni. Taamatumi pisoqarsimagaluarpalluunniit maannakkorpiaq paasisaqarnissarput pingarnerunngilaq. Eqqaamasariaqarparput atornerlugaaneq piffissami sivisusinnaasumi - immaqa ukiuni arlalinni – ingerlareersimasinnaavoq, taamaalillunilu pisimasoq meeqqamut nutaarsiassaanani. Meeqqap inuttut ataqqineqarluni misiginissaa pingarnerpaavoq, tamannalu tunuliaqtalarugu ikiorniarneqarluni.

Taanna erseqqissarpara, pissutigalugu uagut inersimasutut - kinguaassiutitigut atornerluisoqarnera pasitsaakkaangatsigu paasigaangatsiguluunniit – qanoq pisoqarsimanera eqqarsaatigissalluguluunniit artortaratsigu. Meeqqamulli misigissallugu nuanniilluinnarsinnaasarpoq inuunerminni pisimasoq ajornerpaaq pissutaalluni taama soqutigineqartilerneq.

Allaaserisaq 3

Qanigisanit kinguaassiutitigut atornillunneqartarnermi pisut ataatsimut kattussuulluinnarsimasarnerat

Qanigisanit kinguaassiutitigut atornillunneqartarnermi pisut ataatsimut kattussuulluinnarsimasarnerat meeqqap atornerlugaasup ilaquaasalu aamma taamatut kattussuusimalluinnarnerannut tarrarsuutaavoq, qanigisanillu kinguaassiutitigut atornerluisoqarsimatillugu suliniuteqarnermi malunniuttarluni, soorlu "eqqartuussivik" aamma "inunniq isumaginnitoqarfik" imminnullusooq akersuuttutut inissikkaangata, soorlu aamma takutisassiami ersertoq.

Qanigisanit kinguaasiutitigut atornerlugaasoqartillugu/qanigisarinngisanit kinguaassiutitigut atornerlugaasoqartillugu suliaqarnermi pissutsinik killormut sammisutut ittunik ulikkaartarpooq suliamut assiginngitsutigut akuusunit paasiuminaatsinneqartartunik. Paatsiveeruttoqarajuppoq – kina eqqortumik oqaluppa? suna eqqorpa sunalu salluua?

Eqqartuussiviup suliassaraa pasillikkat pisuunersut pinngitsuunersulluunniit qulaajassallugu, taamaattoqarpallu pillaanissamut apeqqut aalajangiiffigisussaallugu. Taamaattumillu suliap eqqartuussisutigut suliarineqarnerani pingaarcerpaavoq qanoq pisoqarpiarsimanera paasiniassallugu. Tamatigulli tamanna anguneqartanngilaq, taamalu pisoqartarnerata nassuerutigineqarnissa pingaartuuvoq. Taamaaligaangat eqqartuussiviup suliassarilertarpaa – akunnaallillugu oqaatigalugu – pasisaq eqqartutissallugu/pillassallugu ilumut tunngavissaqartoqarnersoq. Tassa imaappoq, pasisaq pinngitsuunerarpat eqqartuussiviup eqqartuussuteqarnissaminut uppermarsaatit suut piginerai (angut/arnaq pasillermeqaatimisut pinerlussimappat pinerlussimannngikkaluarpaalluunniit) apeqqutinngortarpooq.

Inunniq isumaginnitoqarfiup suliassaraa meeqqap ilaquaasalu soqutigisaasa isumaginissaat. Innuttaasut – inersimasuuppata meeraappataluunniit – inuuniarnikkut ima atugaqartut, ineriaqtornissamut periarfissaminnik aserorterisoqarneranik qanorluunniit periuseqarlutik oqaluttuartut tusarnaassallugit ikiussallugillu inunniq isumaginnitoqarfiup suliassaraa.

Inunniq isumaginnitoqarfiup pissutsit misissorneqarnissaat isumagissavaa, meeqqallu tunuliaqtaata pisariaqartitaasalu qanoq innerat paasiniassallugu.

Ilisimasat ataatsimut katinneranni ilimanarpat meeraq kinguaassiutitigut atornerlugaasimasoq, imaluunniit meeqqap tamanna oqaatigippagu, inunniq isumaginnitoqarfiit amerlanersaat politiinut suliassannngortitsisarput.

Ilaannikkut ima ingerlasoqarsinnaasarpooq suliap oqallisigineqarnerani pisuussuteqarnermut tunngasut qitiutinneqartarlutik: unnerluussaq pisuuya? Taamaalluni unnerluussap pisuuneneranut/pinngitsuuneranut uppermarsaatit qitiutinneqalerlutik. Tamakku inunniq isumaginnitoqarfiup suliassaasa akisussaaffiisalu avataaniippuit.

Soorunalimi aamma kinguaassiutitigut atornerluisimasutut unnerluussaasut, suliassat allat assigalugit, inatsisitigut illersugaanerat qulakkeerneqarsimavoq. Tamanna eqqartuussiviup suliassaraa – taamaattoqarneralu meeqqap atornerlukkap tungaaniit isigalugu paasiuminaassinaasarpooq. Suliap tamakkiisumik inatsisit aallaavigalugit isiginiarnissa meeqqap imaaliallaannarluni ajornakusoortittarpaa, nammineq iluminit misigisarlugu piviusut pisimasut – pereersimasut taamatuttaaq massakkorpiaq pisut – qaqilerneqarnerujussuat. Suliassamik ilisimannittutut – pisuni

amerlasuuni ilisimannittuutut - meeraq killisiorneqartarpoq nassuaataalu – unnerluussamut illersuisumit – uppernanngitsutut isiginiarneqartarlutik. Taamaaliortarneq eqqartuussiveqarnerup iluani pissusissamisoorpoq, meeqqamulli peqataaffigissallugu ajornakusoorluni, tassami meeraq tamakkununnga akuutinnejalerangami atornerlunneqaqqittutut/ajoquserneqaqqittutut misigisarmat.

Meeqqap atornerlukkap "inuunermini piviusut" assigiinngitsut avissaartillugit inuunerminik ingerlatsinissani ilikkartarpaa. Assersuutigalugu "inuunermi piviusoq" ataaseq unnukkut pisarpoq, tassani meeraq atornerlunneqartarluni, "inuunermilu piviusoq" alla ullukkut pisarpoq, tassani inuit allat akornanni nalinginnaasumik meeqqap inooqataaffia. Oqaatigineqarsinnaavoq inuunermi piviusut ataatsikkoortillugit meeqqap ingerlassinnaanngikkai, tassami pissutsit taama imminnut assigiinngitsigisut aqunnissaat ajornakusoortittarmagit. Meeraq "ilivitsutut" inuuusinnaasasanngilaq, ikinngutini pinnguaqatitiitigalugit, kisitsinermik ilinniaatigaluni imaluunniit erruiitigaluguni, kinguaassiutitigut atornerlugaanerit – anniarneq, annilaanganeq, kanngunarsagaaneq – eqqaamaniassagunit.

Meeqqap kinguaassiutitigut atornerlukkap inuunermi piviusut assigiinngitsut taaku avissaartisimaniarlugit takorluuisinnaanini ikorsiuttariaqartarpaa, taamaaliornissarmi pisariaqartarpoq. Meeqqap takorluuisinnaanini atorlugu upperiniarsarisarpaa atornerlugaasimanani, "niviarsiararli/nukappiararli alla" taama pineqarsimasoq – imaluunniit sinnattuinnarsimalluni. Meeqqap imminut paasinnitaasia "inuunermi piviusoq" sorleq atuunnersoq apeqqutaatillugu allanngorartarpoq – taamaattumik meeraq kinguaassiutitigut atornerlugaq uppernarluinnartumik oqarsinnaavoq unnerluussaq pisuunngitsoq, soorlu aamma unnerluussamit niviarsiaqqap/nukappiaqqap atornerlunneqarsimanini uppernarluinnartumik oqaatigisinnaasaraa.

Inuit ilaat oqarsinnaasarpot meeraq sallusoq: tassami qinigassat marluupput, ukuusut unnerluussap meeraq atornerlussimavaa imaluunniit atornerlussimanngilaa. Imaangilarli meeraq nammineq ilumini aamma taama misigisartoq. Akulikitsumik ima pisoqartarpoq, unnerluussaq meeqqamut qanittuusarluni, tassa imattoqartarpoq unnerluussaq meeqqamut atornerluisuuginnarani aammali atornerluinerunngitsumik meeraq allatut atassuteqarfingisarpaa!

Taamaattoqarneratalu suliap ataatsimut suliariniarnera ajornakusoortunngortittarpaa, tassa meeraq eqqartuusivimmi kiggigunneqaraangat, meeqqalli killisiorneqarnermini eqqarsaatigineqarnissaa ilikkariortorneqarpoq, assersuutigalugu isiginnaarummut immiullugu killisiuisarneq amerlasuunit atorneqaleriartuinnarpoq. Taamaaliornikkut killisiuinermi pissutsinut ilungersunartunut meeraq illersorneqartarpoq, taassumalu saniatigut meeqqap oqaasiisa piviusut eqqartuussivimmut anngunnissaat qulakteerneqartarluni, tassami killisiuineq avatangiisini toqqisisimanartuni ingerlanneqartarmat. Meeqqamut paassiuminaattuaannarpoq sooq ajoqusiisoq pinngitsuutinneqartoq, taamaalillunilu meeqqap piviusunik upperinninnginnera, tassa ilumut atornerlunneqarsimanngitsutut misiginera tassuunakkut uppernarsarneqartutullusooq pisarpoq. Taamaattumik meeqqamik katsorsaaniarneq suli ajornarnerulersarpoq, taamaalilluni piviusut pisimannginnerannik aalajangiineq, naak pisimagaluartut (tassalu atornerluinerit pisimagaluartut), tunngavigalugu meeqqap kikkut tatigissallugit nalulertarmagu. Ilumut taassuma atornerlussimavaanga, eqqartuussisormi oqarpoq taamaaliorisimanngitsoq? Tassami meeqqap nukippassuit atorsimavai imminut uppernarsarniarluni atornerluinerit taakku pisimanngitsut. Sammisassarlu taanna meeqqat atornerlukkat suliarineranni annertuvoq, katsorsaasullu amerlanerit misigisimavaat, ajoqusiisup qanoq iliorsimanini nassuerutigigaangagu akisussaaffigalugulu oqaatigigaangagu, meeqqamut qanoq tamanna oqiliallatsitsisartigisoq. Piviusut inissinnerat annertuumik oqiliallatsitsisarpoq, aammali inersimasup uppernartutut saqqummersnera meeqqamut iluaquatasorujussuusarluni. Akuttunngitsumimmi atornerluisoq tassaasarpoq meeqqap nammineq ataataa/ataatarsiaa, ania, illua imaluunniit aataa,

taamaattumik pisunik nassuerutiginninneq ilaqtariit ikiisa maminnerisut isigineqarsinnaavoq. Meeqqap ajoquisiisoq tatigeqqilertarpaa siunissamilu nalinginnaasumik inooqatiginissaa qilanaarilersarlugu.

Taamaattumik angut/arnaq ajoquisiisoq kissaateqarpat meeraq/meeqqat ajunngitsumik perusullugit, isumassaannnik tunineqarput: Iliuutsitit meeqqamut nassuerutigikkit taamaaliorismanermullu akisussaaffik tigullugu meeqqamut takutiguk.

Sooruna unnerluussat pinerluuteqarsimanngikkunik nassuerutiginnissanngillat, tassami taamaaliorneq pinerluuteqarsimasutut pinngitsuusaarnertuulli iluaqutaannngitsigaaq.

Meerarli annermik suli pilliutigeqqinnagu unnerluussap inatsisitigut illersugaanera kulakkeerneqarsinnaavoq, qaniganit kinguaassiutitigut atornerlugaasoqartillugu suliassap pilersaarusrionerani sunniutaasinnaasartut eqqarsaatigereertaraanni. Pisariaqartutuarlu tassaavoq eqqartuussiviup inunnillu isumaginnittoqarfiup suleqatigiinnerminnik ineriartortitsiuarnissaat.

Allaaserisaq 4

"Inuusuttut toqqissisimanngitsut" pillugit pinerluuteqarsimasunut inissiisarfimmi sulisunik isumasioqatigiissitsinermi saqqummiussaq

'Taama pissusilfersornermut suna peqqutaasinnaava?'

Ullumi eqqartugassap qulequtaraa "Inuusuttut toqqissisimanngitsut", tamatumani lu pineqarput inuusuttut inuaqatigiit nalinginnaasumik ileqquinik inatsisaanillu sungiussinissamut ajornakusoortitsisut. Pinerluuteqartartut iliuutsitik peqqissimissutigisanganilaat imaluunniit pisuussuteqartutut misigisanngillat, naak sakkortuumik pinerluuteqarsimagaluarlutik, immaqa allaat inunnut allanut taamaaliorsimagaluarlutik. Inuaqatigiillu sumiikkaluarunilluunniit taakku qanoq iliuuseqarfiginissaat ajornartorsiutigisarpaat. Nunat ilaasa mattutiinnartarpaat neriuutarlutillu inuaqatigiinni innuttaasut sinneri eqqissisitaassasut – nunallu ilaasa, soorlu uagut nunatta, paaserusuttarpaat ikiorniarsarisarlugillu, taamaalilluta taakku uagullu immitsinnut nuannaqatigiilluta inooqatigiinnissarput anguniarsarisarlutig. Paasisarparpulli tamanna qanoq ajornakusoortigisoq, tassami isumaqaruttulerluta MAANNA nukappiaqqap taassuma tatigileraatigut, taassuma pakatsisittarpaatigut, sakkortunermillu suli iliuuseqarsinnaasarluni. Soorlulusooq imminut inoqatiminullu ajortussaq ujartortaraa. Immaqa sukasimaartarpooq, aqussinnaanngisaminnik kamarujussuartarluni, unataalluni, tillinniaqqilluniaasiit imaluunniit allatut iliorluni. Iluartumik inuuseqarumalluni neriorsuisarpoq – "periarfissamik tuneqqilaannga, taava takutissavara tatigisinnaagimma" – kisiannili oqaatsini eqqortinngitsooqqittarpai. Sunaana nukappiaraq misigissutsiminik – uangalu misigissutsinnik – taama soqutigittaatsigisoq?? Oqaatigeriikkaminit pituttorneqanngisaannartoq, maannakkorpiaarlannariaannarluni oqapallaannartartoq??

Taamaaliortartulli amerlasuutigut tassaasarput inuusuttut peroriartornerminni ajornartorsiorsimasut. Sakkortuumik naalliutsitaasarsimasinnaapput imaluunniit ataavartumik annertuumik sumiginnagaasimasinnaallutik. Aamma imaassinnaasarpooq inuunerat tassanngaannartumik timikkut eqqarsartaatsikkulluunniit ajoquisigaasimasoq, ilaqtariinnik aseruisumik – inuunermili misigisat taakku meeraq ima inerniliitissimasinnaasarpaat: "imminut isumagisariaqarpunga, piumasama angunissaat nammineerlunga sorsuutigisariaqarpala, taamaallaat uannut tatigisinnaavunga – allat atorfissaqanngillat, sillimasuaannartariaqarpungalu. Taakkumi periarfissaqaleriarunik uukapaatissavaannga".

Oqartoqarsinnaavoq nukappiaqqap taassuma inuunermini misigisani tunngavigalugit eqqarsarnera paasinarsinnaasoq: allanit unneqqaserluffigineqarneq, naalliutsitaaneq, nikansagaaneq.. misigisimavaa, maluginngisaminillu "akeqqani" – avatangiisini – sorsuffiginiarlugit aalajangersimalluni "ajornartorsiorninnut avatangiisikka pisuupput, asuli pinikka, ajoqusiinikka inunnulu allanut unneqqaserlunnikka nammineq pisuussutigaat. Tamannami nalinginaavoq, ilaa? – uangami silarsuanni taamaappoq"

Oqartoqarsinnaavoq inuusuttut taakku "taama ikorfissaarutsigisimasut" allaat nalinginnaasumik inuunermut sungiussisinnaanatik, naqisimaneqarlutik inuuneqarnermit ilusilersorneqarsimasut, naqisimannittullu iliuusai assigalugit inuuneq ingerlatilersimallugu. "Inersimasut uannut taamaaliorsinnaappata aamma uanga allanut taamaaliorsinnaavunga" – "Jens, taanna inupiluk unatarakku sooq naveersissaanga, uffa uanga ataatama taama pisaraanga?"

Inuusuttut nalinginnaasumik inuunermik sungiassiuminaatsitsisut piviusorsiortumik oqassagaanni asuli taamaanniaannarlutik sungiassiuminaatsitsisuusangillat – kisianniliuna allakajaamik

inooriaaseqarneq sungiutiinnarsimagaat, tassalu inuiaqatigiinni inuuffitsinni
akuersaarsinnaasatsinnit allaaneruseumik inuuneqarlutik. Avatangiisini ajoqusiilluni
inuuneqarfiusuni, atornerluiffiusuni inuunissartik sungiusimavaat. Atornerluinermi oqarnera
atituumik paasineqassaaq, tassa imigassamik, hashimik ikiaroornartunik, aammali pissaanermik,
atoqatigiinnikkut, aningaasanik, misigissutsikkullu avatangiisini inuuffigisani
atornerluinerusinnaavoq. Nalinginnaasumik silatusarluni inuuneqarfiumngitsuni
periorartorsimasuugajupput, ullut nalinginnaasut aamma ullut immikkut ittut, aammalumi pissutsit
nalinginnaasut nalinginnaanngitsullu, suunerannik paasinninnissamut ikuutaasinnaasunik
ulluinnarni inuunermik aalajaatsumik misigisaqsimasangillat. Inuunerat nalaatsornerinnakkut
pisunik imaqartarpoq, soorlu ilaqtariinni imigassamik ajornartorsiortiusuni pissutsit
taamaakkajuttut: Ullumi inuunerput imaqappoq ullorli alla allaalluni, taamaattumillu inersimasut
iliusaasa maannakkorpiaq qanoq ittuunerat meeqqat maluginiartarpaat, naak suna
nalinginnaanersoq sunalu nalinginnaasuunnginnersoq inersimasut meeqqanut
ilinniartitsissutigisussaagaluaraat. Meeqqat pisariaqartitamik pinissaat namminneq
isumagisariaqartarpaat – inersimasummi imminnut eqqarsaatiginerusarmata, ilaannikkuinnarli
nalaatsornerinnakkullu meeqqat eqqarsaatigisarlugit.

Angajoqqaat ilaat isumaqarparput ilaannikkooriaannarlutik meeqqat eqqaamagaangamikkit tamanna AJUNNGITSUUSOQ, meeqqalli pisariaqartippaat angajoqqaanit eqqarsaatigineqartuaannarnissartik – imattussaanngilarmi aatsaat "piffissaqaleraangamik" eqqarsaatigisassagaat. Taamaattumik meeqqat taakku ilaat, avatangiisini equngasuni inuunissartik "sungiulliunnartarpaat", ikinngutimik akornanni inuiaqatigiinnilu inuunermut nalinginnaasumut inooqataaniarnermikkut equngasumik inissisimalersarlutik. Sungiusimasaminni, immaqa pitsavallaanngikkaluartuni, toqqisisimasutut misigerat taavalu assersuutigalugu ilinniartitsisup piumasaqaataasa akornanni tatineqarlutik inissisimasutut misigilersarput, soorlulusooq inuunerat avissaartuuteeqqalluni. Meeqqat ilaat atuartuunerminni illi ima ajoquersimatigisarput, piumaffigineqaraangamik allaat ajoquerniarneqartutut misigisarlutik. Tassami naammassisqaarluni suliaqarnerup, unamminartunik unammillerterup namminerlu killissat qaangerlugit iliuuseqarniartarnerup nuannissaanik piiaaffigineqarsimaput. Tassami nukissannguatik tamaasa atorlugit inuunertik ilaqtamillu isasuunnginnissaat isumaginiarsimavaat. Tassa pissutsinut piviusunut naleqqutinngitsumik misigipput, namminnerli iluminni tatisimaneqarnerannut takussutissaalluni, namminnerli misigisartik aallaavigalugu taama pisoqarsorinngilaat. Avatangiisiminnit piumaffigineqaraangamik atuarneq kisitsinerlu ilinniassagaat, misigisarput naapertuitinngitsumik pissusilersorfigineqarlutik. Ilaanni meeqqat taamatut isumaqarnerat angerlarsimaffiannit tapersorsorneqartarpaq. Angajoqqaat ilaat isumaqartarput ilinniartitsisoq sianilluanngitsuusoq, suliaminut naleqqutinngitsq il.il., "ernera paasisinnaqaara". Taamali pisoqartarnera nukappiaqqap aseroterneqarneranit ilapittuutaasarpooq, tessami allat peqatigalugit sammisassanut peqataanissaminut periarfissaanik arsaarneqartarimi. Nukappiaraq ataatsimoornerup avataaniilersarpoq, kiserliulerluni annilaangalerlunilu allanillu malersorneqartutut misigilerluni – tassa inooqataanermut sungiusarnissaq pisariaqartitani pinngitsoortarpaa, taamaallunilu allat akornanni qanoq imminut ikiorniarnissani ilikkanngitsoortarlugu. Angerlarsimaffimmini qanoq ingerlanissani ilikkarsimavaa – inersimasut qisuarneri malillugit qanoq iliornissani ilikkarsimavaa. Atuarfimmili ilinniartitsisut atuaqatillu qisuarneri malillugit qanoq iliornissani naluaa – oqaatigineqartutuulli upperinnilluni tatiginninneq sungiusimanngilaa, avatangiisimini ingerlanissaminut nalerassaqangilaq, taamaattumik "maluginngisaminik" pisoqarfiusumit nutsunneqartutullusooq pisarpoq, "pisoqarfiumerpaaq" ornittarlugu – "pitsaanngitsumillu iliuuseqarlutik" inuusut qaninnerusarlugit. Imaangilarli nammineq nalunngissutsini malillugu taamaaliortartoq, kisiannili soorlulusooq savimernit kajungerisaannit nutsunneqartutut ittarpoq, soorlu paasut, tillinniarlutik isaartut imaluunniit inuit akunnerminni imminut pisussaaffilersuiffiunngitsut kajungerisarlugit. Tassami inuit akunnerminni pisussaaffilersorluni

inooqataaneq ilikkarsimanngilaa, soorlulusooq imminut pisussaaffilersorluni inuusoqarnera takungitsoortarpaa. Pikkoriffeqalissagaanni pikkorlulluni aallarteeqqaartariaqartoq akuersaaruminaatsippaa – immaqa – taamaalilluni ilikkagaqarsinnaalluni ilikkagaqassagunili sungiusartuartariaqarluni. Angerlarsimaffiminit sungiusimavaa iliuuseriniakkat massakkorluinnaq iluatsittariaqartut, taamaattoqanngippammi suna tamarmi aserussammat, taamaattumik nalinginnaasumik ineriartornermi ilikkagaqariartornermilu aqqusaartakkat suusut naluai. Nammineq pilluni naammagittassuseqanngilluinnarsinnaavoq – iluatsitsinngikkuni ilikkagassarlu erniinnaq ilikkanngikkuniuk imminut naleqanngingajattutut isigisinnaavoq. Atuarfimmi naveerneqaruni ilinniartitsisup sianiitsunera qularutigiunnaariartuinnartarpaa – tassami ilinniartitsisoq nammineq pisuuvoq. Ilinniartitsisunilu aaqqiagiinngissuteqarnissartik soorlulusooq anguniartaraa – aammalumeeqqanut allanut tunngatillugu aamma taama pisoqarnissaa anguniartutut ittarlugu – eqqisisimasumik inoqatiminut akuunissani sapertutut ittarpa. Taamaakkajuttarpormi, "uivertoqaraangat" aatsaat imminut malugisinnaasarami -


Immaqa pinerlunniakujuttartut akornanni oqqiffissarsiortarpoq – akuersarneqarluni peqataasunngortitaanissamut piumasaqaatit sakkortugaluaraangataluunniit akuersaarnissaat piareersimaffigisarpaa, peqatigiittartut akornanni qummut isigineqarnissani pimoorullugu aalluttarlugu, inuilluunniit sussuteqanngitsut ilisarisimanngisat aqqusinermi naapitat unatassagaluarunigit. Peqatigiittartut taakkulu malittarisassaat qeratasuut toqqisisimanermik siornatigut misigisimanngisaanik misigitittarpaat – kiisami suna eqqortuusoq sunalu kukkusuusoq nalornissutigiunnaartarpaa. Kiisami eqqortut kukkusullu suunerinik ajoqersuunneqalerpoq – ajunngitsutigut ajortutigullu. Taamaaliorneq inuiaqatigiit nalinginnaasut suut eqqortuunerannik kukkusuunerannillu paasinnittaasiannut naapertuutinngikkaluarpoq, taamaattumillu nukappiaraq inatsisiniq unioqqufitsisunngorpoq – taannali isumaqarluinnarpoq inatsisit kukkusuusut – nammineq iliuusini kukkusuunatik. Imaassinnaavoq paasineqaSSAGALUARUNI, nukappiaqqap iliuutsini kukkusuusoq nassuerutigigaa, aatsaalli pillagaannginnissani anguguniuk nassuerutiginnissinnaalluni. Tassa eqqarsaatai allaat nukappiaqqap paatsuineranik sunnerneqarput, sorpassuimmi nammineerluni isumaginiartarsimagamigit, taamaattumillu inuttut kinaassusianik tunngaviliisuusimallutik.

Nukappiaqqap taama ittip iliuusai naalanngitsuliornertut nalilerutsigit, taassumma perorsarniarnissaa ussernartorsiorgilissavarput – suna eqqortuunersoq sunalu kukkusuunerusoq, qanoq iliussanersoq qanorlu iliussannginnersoq oqaatigerusulissavarput – inuppassuillu ajunngitsumik isumaqarlutik taamaaliortartut pakatserujussuartarput, tassami tamaku tamaasa nukappiaqqap soqutiginngilluinnartarmagit. Pissusilersonitik kisiisa aallaavigalugit isiginiarneqaraangamik ilaginnagaqqittutut misigisarput. Namminneq iluminni pisut misiginngitsusaarniarlugit taama nukersortigisimanertik pissutigalugu qanoq misigisimanertik inunnit allanit taama takujuminaatsigisinnaasoq paasisinnaasanngilaat. Meeqqammi ukioqatigii imminnut assersuuteqqajaanartarput assigiimmillu qisuarciartarnissaat naatsorsuutigeqqajaanartarluni – ilimaginegilluinnakkamilli allarluinnarmik qisuarciartarput – ikiuerusuttutut misiginiarluni ilassiorneqannginnersoq sukasiaarfingineqarnermillu qisuarciarfigitittoqartarpoq. Tamannalu aaqqiagiinnginnermut aallarniutaasinnaasarloq.

Nukappiaqqap aseruiniartutut pissusilersonera avatangiisirutut imminut ajortumik pinnissimasunut kamaassineratut paasineqarsinnaavoq. Akersunnera ima paasineqarsinnaavoq iluminimeerannguaq allanit takuneqarsinnaanngitsoq isumassorneqanngitsorlu qajassuunniarlugu taamaaliortoq – annanniarnerinnarmut inuunini atorpaa, annanniarluni iliuuseqartuaannarnini inuttut kinaassuserilersonaa, naak ajunngitsumik iluaqutaasinnaasumik inuttut kinaassuseqarnissani pisariaqartikkaluarlugu. Takusinnaavarput inuunera ajoquisigaanernit atuiffiusimasoq, tamannalu inuttut kinaassusianut ilaalersimasoq. Naqisimaneqarluni inissisimanini imminut isertissimasutut ippaa, ajoquisiisullu periusaa nammineq pigalugu avatangiisiminut takutissallugu qinersimavaa,

ajoqusikkatulli pineqarsimanini ilumini itisuumut toqqorsimallugu. Ataatsimut oqaatigissagaanni meeqqat taamatut naqisimaneqarlutik inuuneqarnertik inuttut kinaassutsiminnut ilaatisersimavaat, taamaattumillu najoqqutassiat tamanut atuuttut nalinginnaasut toqqisisimanartinnagit inuulernissaat aarlerinarpoq.

Ikiuisoq



Ajoqusigaq

Ajoquvisoq

Nukappiaqqalli ilisarnaataasa taakku marluk paasiniarnerat ilisarnaataasalu taakku qanoq sunniuteqarnerisa naatsorsuutiginissaat ajornakusoortuuvoq. Silarsuarmi inuuffigissallugu nalunartumi annanniarluni ilungersuuteqarnera takusariaqarparput, tassami meeqqap imminut annanniarluni ileqquliussimasai iliuusaapput silatusaarnertut takusariaqakkavut, taakkulu meeqqamut iluaqutaasimallutik. Arlalitsigut meeqqat misigisarsimavaat angerlarsimaffimmi pisut inersimasunit naluneqanngikkaluartut, iliuuseqartoqarsimasarnatilli, meeqqallu sapinngisartik tamaat iliuuseqarniartarlutik – pissusilersornerisalu takutittarpaat ilumut taamaasiortartut. Tamannalu ataqqisariaqarpoq. Silarsuarmi paatsiveerusimasumi eqqarsartaatsimikkut napparsimalernatik aniguisimanerat ataqqisariaqarpoq. Ajoqusigannguup ilorpiaani nukappiarannguaq inissisimasoq, iluaqtissamillu ikorsiisinnasunut takuneqarnissaminik neriuuteqartuertoq ataqqisariaqarpoq.

Nukappiaqqap manngertumik imminut qallersimanera kinaassusiatut piviusuunngitsutut eqqartorneqartarpoq iluaniittorlu salaattoq kinaassusiviatur eqqartorneqartarluni, tassa imaappoq iluaniittoq nukappiaqqap qanoq misigissuseqarneranik pisariaqartitaanillu ilisimannittooq. Mammineerlutik nalungissutsiminni taamaattoqarnera eqqumaffigisangilaat aammalu taamaattoqannginnerarluinnartarlugu, suliarissagaannili pingaartuuvoq taamaattoqartoq uagut nalussanngikkippuit, aammalu immaqa maluginngisaralunik nukappiaqqap oqaloqatiginerani allaat

tusarnaartartoq. Tamanna ima paasisariaqarpoq, nukappiaraq pissusilorsornera pissutigalugu nikanarsarutsigu, taava ajoqusigaq iluminiittooq nikanarsarneqartutut misigissavaa – taamatut pineqarnini siusinnerusukkut nikanarsagaasarsimanermimut eqqaanartippaa. Akerlianilli ilumoorussinermik takutitsiffiqineqaruni, nassuaatai tusarnaarneqarlutik, kukkulluni iliussai eqqortutut iliornertut akuersaaginnanngikkaluarlugit – paasinnippaluttumik, isumassuerpaluttumillu alapernaaserternermik takutikkutsigu, taava ajoqusigaq iluaniittooq neriuutissamik tunineqassaaq. Taakuli oqimaaqitigiissinniarnerat ajornakusoorpoq – tassami nunappiaraq ”inupiluttut” naqissusissallugu, taamaattumillu pisassani pillugu pillarneqariaqartutut isigissallugu, imaluunniit nukappiaqqatut nallinnartutut, silarluarmit ajortumit annaanniagassatut isigissallugu ajornannginnerpaavoq. Taakkuli arlaannaalluunniit atorsinnaanngilaq. Tassami eqqartuussisup tamanna isumagereerpaa – nukappiaqqallu pillaat taanna atorpaa. Uagut sulisuinnartut amigaataanik ilinniartissavarput. Soqutittaappasissumik imaluunniit itigartitserpasissumik nukappiaraq pissanngilarput, naak taama pigaluaraatigut – aammali pissusilersuutai aallaavigalugit inussiaatitut sunillu tamanik kiffartuussiniartutut inissisanata. Pitsaanerpaamik ikiorusukkutsigu, taava imminut akisussaaffigisutut misiginissaanut sunngugaluarluunniit qanoq mikitigisoq nassaarisariaqarparput. Sungiusimavaami akisussaaffini iperartarlugu, akisussaaffik tigegaluaruniuk tigunngikkaluaruniulluunniit paasisinnaanngila – tassa nammineq TASSAALLUNI imminiusoq allanit aqunneqarnermigut iliuutsini iliuuserisangikkai inuillu allat sinnerluni inuusinnaanngitsut. Taamaasiorneq artornartorujussusinnaavoq, soorlu ilassi inuusuttunik taamatut ittunik sullisisut oqaasiinit tusaasinnaagissi. Inuusuttunulli taakkununga paatsiveerusimasunut aalajangersimarpaluttumik pissuseqarluni sulisariaqarpoq, inuusuttunit taakkunanna malugineqassagaanni. Ilaannikkulluunniit misiginartarpoq mattunneqarnertik toqqississutigisaraat – tassa illersugaasutut misigisaramik. Eqqaamajuaannagassarli tassaavoq, nukappiaqqap pissusissamisoortutut isigisai uagut pissusissamisoortutut isigisatsinnit allaanerummata, eqqarsartaasia tamarmi, misigissusai iliuusaalu tassaammata nukappiaqqap iliuusaanut aalajangiisuuusut.

Inuk kinaluunniit imminut iluaquuserniarluni iliuuseqartarpoq – taamatullu paasinnittaasermut taanna aallaaviulluni.

Allaaserisaq 5

Meeqqat sumiginnakkat atuartut

KIIIP-ip Ilanniartitaaneq pillugu ataatsimeersuartitsinerani 2006-imi novembarimi Katuarmi ingerlanneqartumi saqqummiussaq.

Meeqqat sumiginnakkat atuartut

Sumiginnaanerup meeraq ineriartorneratigut eqqortarpaa: misigissutsikkut – pisinnaasatigut, inuttut kinaassutsikkut:

Pisariaqartitatik ilikkartanngilaat – nammineersinnaaneq, ilisimasassanik ujarlerneq, piginnaanernik sungiusarneq – allat isumaannit/nalilersuinerinit pituttorneqartarput, imminnut nalilersornerminni/namminneq iliuutsitik pillugit piviusorsiorunnaartarput, ukiuminnut /ineriartornerminni killiffimminnut naleqquttimik akisussaassuseqarneq ilinniartanngilaat

”Kukkusoq” – ”killormut ittoq” ilikkartarpaat, ”ilikkagartik” taanna nassarlugu avatangiisiminnut appakaattarput – paatsoorneqartarlutik, pakatsisarlutik, kiserliulertarlutik ...

Ajoqusigaasarput: pisut ataqatigiinnginnerisa, tupattarnerit annertuut annikitsullu annilaangallutik inuuneranni ”uninngaannartilertarpaat” - iliuuseqarsinnaajunnaartillugit qimarratiginnittuaannalersillugilluunniit, taamaalillutik piginnaasatik nukissatillu aallaavigalugit ineriartornissamut akornusersorneqartarput. Atugarliulersarput, soorlu inuit piginnaanerminnik atuinissamut periarfissaqanngikaangamik taamaattartut –

Inuttut kinaassusiat qajannarsisinnaasarloq – ”piviusorsiungitsumik inuuneqalertarput”, ersernerluttunik killissarititaqarlutik – paquminartorpassuit/isertuussarpassuit pigisarpaat, pisussanik eqqoriaasinnaannginneq, naatsumik oqaatigalugu **toqqissismasanngillat**

Tamanna meeqqap akuuffiini tamani sutigut tamatigut sunniuteqartarpoq, angerlarsimaffimmi taamatuttaaq atuarfimmi. Meeqqat ilaat angerlarsimaffiup avataanut inissinneqarsinnaasarput, tassami qajannassusertik pissutigalugu piumasaqaatit nalinginnaasut sakkortuumik quisuarifigisaramikkit. Ulluinnarni inuunerminni immikkut illersorneqarnissaminnik annertuumik pisariaqartitsippit. Meeraq sumiluunniit najugaqaraluarpat pingaaruteqarpoq kikkut tamarmik meeqqamik taassuminngarpiaq sammisaqartut sapinngisartik tamaat pitsaanerpaamik suleqatigiillutik iliuuseqarnissaat, taamaaliornikkut aatsaat meeqqap inuttut kinaassusiata ilivitsunngortinnissaa piginnaaninilu aammalu nukissani pigisani atorlugit ineriartornissaa periarfissinneqarsinnaammat. Taamaattumik naatsorsuutigisariaqarpoq meeqqat mikisunnguunerminniit ima sumiginnagaatigisimasut, allaat ineriartornerat akornuserneqarsimalluni, inersimasunit annertuumik nukissorfigisariaqartut oqimaaqatigiissumik inuuneqalersinnaaniassammata.

Equngasumik inuttut kinaassutsip ineriartornera, meeraanermi aaqqiiffigineqarsimannngikkaangat inuusuttunngornermi imaluunniit inersimasunngornermi, eqqarsartaatsikkut napparsimasunik sullisinermi taaneqartarneratuut, inuup kinaasusia akornuteqalersinnaavoq. Silaqassutsikkut piviusorsiunngitsuunerunngitsumik, amerlanertigut anigorneqarsinnaanngitsumik sakkortuumik atugaqarneq kingunerisarppa, piffissalli ilaani pisunilu assigiinngitsuni silaqassutsikkut piviusorsiunngitsutut isikkoqarsinnaasarluni, soorlulusooq arnaq/angut misigissutsikkut allangorartarluni, eqqarsaqqaarani quisuariartarluni, tassanngaannaq eqqarsaatigeqqaarnagu iliuuseqartarluni, isumaa allanngupallakkajulluni, taamalu pissuseqarnera avatangiisinit qanoq

iliuuseqarfigissallugu nalornissutaasarpooq. Perorsimanngitsutut iliornini, misigissutsinillu sakkortuunik atuilluni qisuariartarnini pissusissamisoortutut inuup isigisarpa, immaqalu inunnit allanit malersorneqartutut nikanarsarneqartutullu misigisarluni, naak immaqa allat inuup taasuma naatsorsuutigiuminaatsumik pissusilersonera pissutigalugu sapilersutut misigisimagaluartut.

Meeqqat taakku perorsarneqarnerannut taamatuttaaq atuartinneqarnerannut atatillugu pingaaruteqarpoq inersimasut piviusut aallaavigalugit, sammisamut tulluartunik sammisaqarlutik uppernarpasillutillu periuseqarnissaat. Tamanna ima isumaqarpoq, inersisut piviusorsiorlutik meeqqanut soqtiginninnertik takutissavaat, misigissutsillu kisiisa aqutsisutinnagit meeqqamut najuunneq ingerlanneqassalluni. Meeraq peqatigalugu iliuutsit meeqqamit isumassalittut misagineqassapput, ajornanngippallu meeqqap inuuneranut, imminiussutsimnik paasinninneranut piviusullu suunerinik paasinninneranut atassuteqassallutik aammalu inersimasut oqaraangamik oqaatsitik eqquutsittassavaat - tatiginartuussallutik. Taamatut periuseqarnerup kinguneqartumik iliorneq inernerisarpa, tassa imaappoq meeqqap inuuneranut, aammattaaq misigissusaanut ataqtigissoqarnera ersersittarpaa. Tatiginartuunerup tatiginninneq pilersittarpaa, tamannalu inunnut allanut atassuteqarfiginnissinnaanermik meeqqat ilikkagaqarnissaannut pisariaqarpoq.

Meeqqat ilikkagaqarnissaannut aqqutissaq pitsaanerpaaq tassaavoq qanoq iliornissaannik kissaateqarnermik ilisimatikkaanni. Kukkusumik iliorsimanerannik pillarlugit iliuuseqarnerminngaannit taamaaliorneq kinguneqarluarsinnaanerpaaq. Aammattaaq pingaaruteqarpoq eqqisisimasumik torersumillu oqaluunnissaat, taamaalilluni meeqqap ataqqineqarnini maluginiassammagu.

Maligassianik tamanut atuuttunik meeqqap ilisimasai amigarp – avatangiisini uani suna nalinginnaava sunalu nalinginnaanngila, taamaattumik meeqqat pisariaqartitaat tassaavoq ilitsersuunneqarneq, pillaanerunngitsoq. Meeqqat pisariaqartippaat qanoq iliorlutik aammalu sooq taamaaliornerlutik inersimasut oqaatigissagaat, piumasaqaatillu paasinartumik torersumillu oqaatigineqartut meeqqap tusassallugit pisariaqartippaa. Assersuutigalugu meeqqap ima oqarfinginissa imminut akilersinnaavoq: "Suligaangatta unillutit issianissat pingaaruteqarpoq, tamanna tamatta ajornannginnerumik ingerlanissatsinnut iluaqutaagami" – tassa meeqqap unilluni issiasinnaannginnera naveersissutiginagu. Erniinnarli paasinarsisarpoq ataasiaannarluni oqaatigissallugu naammanngitsoq kisianni marloriarluni imaluunniit arfineq marloriarluni oqaatigisariaqartoq. Iluaqutaassaguni amerlasoriaqarluni oqaasitigisariaqarput, ajornanngippat periuseq allangortinnaveersaarlugu – meeqqammi sungiusimanngilaat oqaatsinik inunnilluunniit tatigisaqarsinnaaneq. Aatsaammi ilinniarnialerpaat, naak immaqa allilaareeraluarlutik imaluunniit allereeraluarlutik.

Inersimasut meeqqap avatangiisaaniittut qimerlooqqaartariaqarpaat suut meeqqap sapinginnerai aamma amigaatigisani ilikkassagunigit nukappiaqqap/niviarsiaqqap illersorneqarnissaq, ikiorneqarnissaq tapersorsorneqarnissarlu qanoq ittut pisariaqartinnerai, uani pineqarput piginnaasat suuneri, aammattaaarlumi misigissutsinut tunngasut inooqataanikkullu piginnaasat. Aamma qimerlooqqaassallugu pisariqarsinnaavoq meeqqat sorliit imminut sunnernilluttarnersut akunerminnilu killissaasa inissiternissaannik ikiortariaqarlutik.

Aamma ilaannikkut pisariaqartarpoq piumasaqaatit naammassisagunigit suut pisariaqartinnerai immikkut sammissalugit. Atuaqatigiit immikkut atuartitat, imminut qinngasaaruttut, kamassaaruttut ataatsimoortinniarnissaat ajornakusoorsinnaaqaaq, tamarmik eqqumaffiginiarnerat ajornakusoorsinnaalluni ...

Inersimasut meeqqanut attaveqarnerminni, kissaateqarnerminni piumasaqarnerminnilu paasinarluartumik erseqqissumillu periuseqartariaqarput.

Ilinniagaqarusussuseqarluta inunngorpugut

Meeqqap mikisunnguunerminiilli unammilligassat taakkulu iliuuseqarfiginissaat nuannarisarpai. Inuummarissuseq, inuunermik nuannarisqaerneq inoorusunneq meeqqami ersittarpoq, meeraq pisunut peqataasoq. Nuannaarnerup taassuma nassaareqqinnissaanut inersimasut meeraq ikiussavaat – taava suut tamarmik ajornannginnerusumik ingerlassapput. Ilikkagassat ilikkarnissaat imaluunniit perorsaaneq meeqqamut pinngitsaaliissutaassanngilaq – ussassaarlugit imaluunniit siorosaaarlugit ineriarnerat siuarsarneqarsinnaanngilaq, meeqqanulli ataasiakkaanut atugassarititaasut naammaginartuugaangata oqartoqarsinnaavoq ineriarneq nammineerluni takkuttartoq, soorluttaaq aamma naasut seqinnileraangat nammineerlutik sikkertartut. Meeraq meeraanini tamaat isumassorneqassaaq meeqqallu pisariaqaritaanut ineriarnereminilu killiffianut isumassuineq naleqqussarneqartuassalluni – taamaalilluni meeqqamut isumassuineq, asanninnejq meeqqap illersorneqarneranut piumasaqaatinullu pissusissamisoortunut iluaqtaasinnaaqqullugu.

Taakkuli ataqtigiissinnissaat nalunartorujussuuvoq – nalunarnerpaallutilu **meeqqap eqqarsartaatsikkut kingornussai: Meeqqap siusissukkut sumiginnagaanerminit eqqarsartaatsikkut ajoquserneri "ileqquutoqqat kingornussat"**.

Naalungiarsuk inunngoraangami ikorfissaqartanngilaq, naak inunnguutsiminik arlalippassuarnik piginnaaneqaraluarluni. Timi tamangajammi atorfissaminut piareersimasarpoq, taamaallaat qarasaa inerissimasarnani (taamaattuminguna ikorfissaqartanngitsoq), ullumilu naluneqanngilaq asannittumik isumassuineq qaratsap inerinnissaanut pisariaqarluinnartoq, meeqqap nukissai piginnaanerilu pissusissamisoortumik ineriarussappata/atorneqassappata.

Ilaqtariinni inooqataanikkut misigissutsikkullu inisisimancerup qanoq ittuunera oqaluttuarisaanermi misilitakkani erseroq. Tassani takusinnaavarput **inunnik attaveqarfissaminnik amigaateqarsimasut**, taamaattumillu inuunertik tamaat inuuniarnermi atukkanik peqquuteqartumik eqqarsartaatsikkut ajornartorsiuteqartarput.

Inunnik attaveqarfissarsisarneq siulleq tassaasarpoq inuit akunnerminni imminnut qanoq "pissusilorsorfigisarnerannut" meeqqap paasinnittaasissaanik ilusiliisartoq.

Meeqqat **asanninnermik** tunineqartut allanut asannilluni inuunissaq pissusissamisuuginnartutut isigisarpaat. Uagut inuit uatsinnut pissuserisatta amerlanersai inoqatitsinnut tarrorsornitsigut pisarpavut – meeqqap soqutigineqarani imminut paaraluni allanillu soqutigineqarani uninngaannartup ilikkartarpaa inuit imminnut pisarnerat nalinginnaasoq tassaasoq **soqutigisaqannginneq**.

Inuunerup ingerlanerani inunnik allanik soqutigisaqanngitsutut pissuseqannginnissaannik, qajassuussinissaannik il.il. piumaffigineqalersarput, meeqqalli tamanna suunersoq naluaa, **asuli** pinertut paasivaa – imaluunniit meeraq tunuarsimaartorujussuaq isummanik saqqummiusseqqullugu piumaffigineqaraangami – meeqqap ilumini silarsuaaniit isigalugu asuli pineqartutut misiginarsinnaasarpoq, tassami nukappiaqqap/niviarsiaqqap nalusarppaa qanoq isumaqassanerluni...nalusarppaa isummat qanoq ililluni ilusilersussallugit, ingammik oqaasertalorsorlugit nalunaaruteqarniaraangami.

Attaveqaqatigiinnermi meeraq **peqataalluartarpoq**, ernerlunilu kiinnanik, pissusilersuutinik, ullup ingerlanerani pisartunik aalajangersimasunik, inuit akornanni silaannaap qanoq issusianik, misigissutsinik **ilisarsisinnaalertarpoq...** Meeraq aallaqqataaniilli (immaqa suli inunngornani) **misigisaminik aaqqissuussisartutut** isikkoqarpoq – ilutigalugulu suulluunniit pisut ingerlaneranni inissititerinermik malussartarluni sukkasuumillu ilisarsisarluni. Meeqqap ilisarsisinnaanini **nuannarerpasippaa** – inuummarissusermik nuannaarnermillu meeraq ulikaartoq.

Inuup ineriartortarnera pillugu Daniel Stern-ip eqqarsaasersuuta naapertorlugu **inuunermik nuannarinninnermik misigissutsit innaallannertut takkuttartut ilisarsisinnaanermillu nuannarisaqarneq tassaapput inuup tunngaviatigut namminiussusaanik ersersitsisut – misigisanik avatangiisiniittunik malussarnerit, misigisalluunnit assigiinngikkaluaraangata.**

Ineriartortarnermili ingerlaaseq taanna aatsaat pisinnaavoq avatangiisit uteqattaartumik ILISARSAAGAANGATA, meeqqallu siusissukkut ajoqusikkat misigisanik taama ittunik misigisaqarnissamut pinngitsoortinneqartarput – namminiussutsiminnik misigisaqarnissaat ilusilerneqanngitsoortarpoq – inuttut ilivitsuunngitsutut ingerlalersarput.

Taamaalilluni inuit ilaannut illernit ajortut sangoriarfissaqanngitsut atuarnerat aallartittarpoq: anaanaq meeqqamut nukissaqarpallaanngilaq – qiagaluaraangalluunniit qisuaratigisanngilaa ikiorfissaqaranilu nalaannartarpoq. Naggataatigut uniinnartarpoq qiajunnaarlunilu. Immaqalu anaanaq oqiliallattarpoq taamalu pikkoritsigisumik qitornaqarnini nuannaarutigisarlugu – meeraq anaanaminit passutiinnarneqarnissaminik pisariaqartitsinngitsoq. Kisianni meeraq ”eqqarsartaatsimigut kaappoq”, taamaattumik avatangiisiminik namminerminillu aaqqissuunnissaa aallartivinngisaannarpaa. **Ullup ingerlanerani pisartunik aalajangersimasunik ulluinnarni misigisaqartanngikkuni isumalioqqutiminik misigisaminillu aaqqissuussisinhaassusia sulisiaanngilaq, inuttut kinaassusiata/namminiussusiata ineriartornera iluatsinngitsoorpoq,** taamaattoqartillugu meeqqat nipaatsunngorsinnaapput isummamikkullu nanertisimalersinnaallutik. Ima oqartoqarsinnaavoq susassaaqevisimasut, taamaalillutik inuttut kinaassuiat ”nukillaarluni” – soorlu nukiit atorneqanngikkaangamik taamaalisartut. Meeqqat nipaatsunngortarput, inuummarissusertik/uummaarissusertik annaasarpaat, sinitorujussuanngorlutik, avatangiisiminik misissuinertik unitsittarpaat/misissuinissartik aallartinngisaannartarpaat – **meeqqatut nipaatsutut ”naalattutut”** peroriartortarput.

Inuuneranni kingusinnerusukut **inuunermi suliassat/unamminartut** meeqqanut taakkununnga iluatsitsiffiusanngillat, tassami tunngaviusumik inuunermi suliassat qanoq iliuuseqarfigissallugit nalusaramikkit: inunnut allanut atassuteqarfiginnissinnaaneq, tatigisaqarnermik misigisinnaneq, aammalu suna atorfissaqartinnerlugu/pisariaqartinnerlugu misiginnissinnaaneq. Naalungiarsorujussuartut isikkoqalersinnaasarp: inerisimanatik, sunalu eqqaallugu massakkorpiaq iliuuseqarumasarlutik, namminneq inooqataanerminni aamma peqataanermik misiginissaa piginnaaneqarfigisannngilaat/inuunnut allanut attuumassuneqarnertik paasisimasangilaat, pingaartumik meeraqatiminnt. Soorlulusooq misigisatik tunngavigalugit misilitakkatik ilinniutigisannngikkaat – pisut ”piinnartarput”, namminneq akuunertik sunalu pissutaalluni taama pisoqarnera paasisinnaanngillat malugisinnaanalugu – aamma tamanna atuuppoq ajunngitsunik periarfissiisoqaraluarpalluunniit.

Inuttut kinaassutsimikkut aserukkat, tassa meeqqat mikisunnguunerminninggaannit aserukkat assorujussuaq **qajannarput** taakkulu ilarpassui qajannassusermik pigisaqarlutik alliartortarput,

siunissarlu ungasinnerusoq eqqarsaatigissagaanni inuttut nammineersinnaasutut nalinginnaasumik inuunissartik ajornakusoortittarpaat imaluunniit ajornartilluinnartarpaat.

Meeqcat siusissukkut ajoqusikkat

- nalinginnaasumik attaveqarfigiuminaapput – imaluunniit attaveqarfiginissaat ajornarluinnarpooq
- inunnut allanut atassuteqarfiginnissinnaaneq ajornakusoortippaat – imaluunniit ajornartilluinnarpaat
- imminnut tatiginatillu upperinngillat aammalu allat tatiginagit upperinnagillu
- inooqataanikkut piginnaanernik ineriartortsinissartik piginnaaneqarfiginngilaat

meeqqalli taama annertutigisumik ajoqusigaanngitsut, naak sumiginnagaasimagaluarlutik

- misigissutsiminnik aqutsisinnaasanngillat, pisussaaffiliisumilli attaveqarfigineqarsinnaallutik
- inunnut allanut atassuteqarfiginnissinnaapput, taamaattumik
- inooqataanermut peqataanissamut periarfissaqarlutik

Katsorsaaneq ilinniartitsinerlu

Katsorsaanermi suliaqarnitsinni **perorsaaneq eqqarsartaatsimillu katsorsaaneq** atortarpavut, meeqqap ajoquserfianit aallartittariaqartarpugut, kisiannili aamma meeqqap nukissat pigisai sulinitssinni atortariaqarlutigit.

Avatangiisit naatsorsoruminartut pilersittariaqarpavut, taamaalilluni ullup ingerlanerani pisartut aalajangersimasut misiginiassammagut, tamanna inuttut kinaassutsip ineriartornissaanut atugassaraa **misigisanik aaqqissuussisinnaassusianik itersaasartoq**.

Taamaattumik ulluinnarni inuuneq aalangersimasumik paasinnittaaseqarluta, inuiaqtigii nalinginnaasumik ileqqui atorlugit aammalu meeqqap pisariaqartitaanut naleqquttunik pilersaarusiortarpugut, taamaaliorniarnitsinnilu inussiarnersumik aalajangersimarpaluttumillu ataatsikkut pissuseqarnissaq oqimaaqitigiissaaruminaatsorli atorlugu ingerlaniartarluta.

Sulisoq meeqqamut maniguullunilu ataqqinnittariaqarpoq aammalu meeqqap eqqarsartaatsimigut ajoqusernerisa qanoq ittuunerat ilisimasaqarfigisariaqarlugu, tunngaviatigulli meeqqap peroriartornerata qanoq ittuunera sukumiisumik ilisimasariaqanngila.

Misilitakkavut aallaavigalugit sulisut ilisimasassanik misilitakkaniillu amigaatillit sulinermanni kukkuluttortarneri amerlapput. Pissutsit ingasakkaangamik imaassinnaasarpuit:

- meeraq naalungiarsuttut nallinnartutut isigisinnaasarpaa, sunillu tamanik kiffartuullugu – taamaalillunilu inuunermini imminut ikiorsinnaalernissaa pinngitsoortittarlugu nukissallu pigisai piginnaanerilu ataqqinngitsoortarlugit imaluunniit
- pilersaarutit equuutsinnejanganngikkaangata iliuutsimini sukangavallaartumik periuseqarsinnaasarpoq, imminut eqqarsaatiginermik meerarli eqqarsaatiginagu.

Taamaalilluni meeraq naapinneqanngittuartarpoq iluminilu aaqqissuussinissaminut ikiorneqanngitsoortarluni

Meeqcanik taakkuninnga sullissineq **nakkarfissanik** ulikkaarpoq, tassami meeqqap ajoqusigaanera itisusarmat annertullunilu, taamaattumik inuit amerlanersaat meeqqap pissusilersornerata sumik tunuliaqutaqarneranik takunningitsoortarput, taamaalillutilu namminneq inuttut pisut aallaavigalugit qisuarlarnaveersaarnissaminnik sungiusarsimanngitsut meeqqanut naleqquttumik periuseqarsinnaasanngillat.

Imaaliallaannarluni paasiuminaattarpoq, tillitarneq kukkusuuusoq sooq meeqqap naluneraa – tassami nukappiaraq imaluunniit niviarsiaraq piffissami sivisuumi iluatsittumik tillinniartarsimasoq paasisaanani lu iluatsittumik tillitani toqqortortasimallugit. Piviusorli unaavoq meeqqap tillitani toqqortarmagit, inuit allat kiinaanit takusinnaagamiuk oqaluttuarissagunigit ajornartorsiulersinnaalluni – imaluunniit allanit sioorasaagaasimanini pissutigalugu, imaanngitsoq – siusissukkut ajoqusigaasimaguni – ileqqorissaarnissaq pissutaalluni tillittoqaqqusaanngitsoq paasisimagaa.

Soorlu naalungiarsuup avatangiisini asanninnermik takutitsiffiusuni uteqattaartumik misigitinneqarnissaq pisariaqartittaraa, aamma meeqqat annerit misigissutsikkut ajoqusikkat piffissaq sivisoq atorlugu uteqattaartumik isumassorneqarnissartik piariaqartippa, aatsaat taama misigitinneqarunik iluminni aaqqissuussineq ingerlassinnaavaat tamannalu eqqarsartaasiannut ilaalersinnaalluni. Soorunami meeraq sorleq pineqarnersoq apeqqutaatillugu taassumalu pisariaqartitai malillugit isumassuineq ingerlanneqassaaq.

Piginnaasami inunnit allanit ataaqqineqarnissaat nukappiaqqap pisariaqartippaa ineriartorqqinnissaminilu piginnaasani atorfissaqartillugit.

Atuartitaanermut tunngatillugu tamanna ima isumaqarpoq, ilinniartitsisutut **piviusorsiortumik uppernarpaluttumillu** pissuseqarnissaq.

Meeqqat taakku atuartinniarnerat annertuumik piumaffiginnippoq, misilitakkakkalu naapertorlugit pingaartillugit sammisat allamut saatinneqaqqajaasarp: meeqqap **pissusilersuutaa** kisimi takoqqusutut ilersarpoq, taamaattumillu atuartitsinerup ilarujussua, meeqqamik paasitsinsiaanermut atulussinnarneqartarluni?... Kisianiuna tassa paasinnissinnaannginera taamaattoqarneranut pissutaarpiartoq. Meeqqap nalinginnaasup marluk-pingasunik ukiullip killifianingaangiiit aqquissarsiornissaanut ikiorneqassaaq – soorunami oqaatsit eqqarsartaatsikkut piginnaasaasa killifianut naleqqussakkat atorlugit.

Ataatsimut isigalugu pingarpoq misigissutsit kisiisa atorlugit meeqqamut isiginninnginnissaq, aammali meeqqap angisuup silassorissusia sianissutsikkullu inuunera isiginiassallugu pingaaruteqarluni unamminartullu pisariaqartitai inuttut killifianut tulluartut akuersaassallugit, alapernaanneria ilikkarusussusialu ikorfartorneqassalluni. Tassunga aamma ilaavoq misissueqqissaarluni sulinissaq. Atuaqatigiinni meeqqat qanoq ittuunersut ilinniartitsisoqatigiit qimerloortariaqarpaat, peqatigiikkaangamik sutigut ingerlanerliortarnersut sutigullu ingerlalluartarnersut – sutigut imminnut tunioraassinnapapp? Sutigut imminnut aserorteruttarpat? – pingarnerlu tassaavoq atuartinneqarneranni periutsit ersarilluinartariaqarnerat, attaveqarfiginneriaaseq, suut naatsorsuutigineqarnersut piumasaqaataanersullu ersarilluinartariaqarluni.

Taamaattumik atuarfinni amerlasuuni taartaagallartut, akulikitsumik inuuasuttut misilittagakitsut (pitsaasuullutilu ajunngitsumik isumaqartut) – meeqqanik taakkuninngarpiaq taama pisariaqartitsitigisunik atuartitsisussatut atorneqartartut paasigaanngakku assut eqqasuttarpunga, tassami taamaaliornikkut piginnaanitik atorlugit ilikkagaqarnissaminut periarfissinneqanngitsoortarmata – aammal, ”inuiaqtiginnut” appakaakkaangamik pisariaqanngitsumik allanut naleqqiullutik ajorerusumik atugassaqartinneqartarmata. Meeqqat taakku misigissutsimikkut, inuttut kinaassutsimikkut aammalu inooqataanikkut sakkortuumik ”eqqorneqareersimasuusarput” – taavalu tamakku qaavisigut pitsaanngitsumik atuarfimmi atugassaqartinneqarunik ”inuusuttunut nalinginnaasunut” unammillernissaminut periarfissakitsuararsuanngortarput, ilinniagaqarsimanngitsut suliffissaannut tunngappata imaluunniit ilinniarfissanut tunngappata. (Meeqqat/inuuasuttut taakku ilarpassui suliffimmi piginnittumit ilinniartinneqarnissaat taakkununnga piukkunnarnersaavoq, ”tasiorteqarlutik” ilitsorsorneqarunik angusaqarluarsinnaasut).

Inuit naapittarpakkama ilaat, aamma suliamik ilinniagallit, isumaqartarpot meeqqat inuttut kinaassutsimikkut aamma/imaluunniit misigissutsimikkut ajornartorsiortut nallinnartuuusut, taamaattumillu piumasaqarfigineqarsinnaanatik. Taamaannilaq – tassa meeqqap killiffianut tulluartunik piumasaqarsinnaagaanni (meeqqap ineriertornermini killiffia – meeqqat ataasiakkaat misissugarineranni nassaarineqarsinnaasoq - aallaavigalugu) piumasaqaatillu kajungernartunngorlugit saqqummiussinnaagaanni, ilikkagassat pissanganarsaarlugit sumullu atorneqarsinnaasut ersersissinnaagaanni piumasaqaateqartoqarsinnaavoq. Meeqqat taakku eqqarsaatimikkut ulluinnarni annanniartuusarput, allanillu eqqarsaaqeqrnissartik nukissaqartittarnagu. Inunnguuserallugu alaperenaassuseq annaasimavaat, taamaattumillu taanna itersaqqittariaqarpoq – soorlu aamma isummanik aaqqissuussisinnaanerannut tunngatillugu taama ittoq. Amerlasuutigut atuarnermi malitassat ukiuminnut naleqquttut malinnaaffigisinnaasangilaat, imaangilarli tamanna peqquataalluni ilikkarsinnaasaannik ilinniartinneqanngilluinnartuuussasut –

Ilaannikkut eqqarsartarpunga – immaqa meeqqat taakku sinnerlugit piumasaqarpallaarlunga - atuartuunerisa nalaanni sapinngisaq tamaat ilikkagassaannik sapinngisamik amerlanerpaanik ilinniartinneqartariaqartut, tassami taakku amerlanersaat inuunermik sinneranni atuagarsornikkut piginnaanernik tuniorarneqarnissaminut periarfissinneqartangillat. Taamaattumik atuarnikkut kisitsinikkullu tunngaviusumik piginnaasat pingaaruteqarluiinnarput – ullutsinni atuarsinnaannginnej/allassinngaannginnej imaluunniit nalunanginngerpaanik kisitsisilerisinnaannginnej, assersuutigalugu aviisinik atuarsinnaannginnej, akissarsiat allagartaannik atuarsinnaannginnej imaluunniit pisiat allagartaanik misissuisinnaannginnej, inunnik kanngusutitsisarpoq.

Timersorneq assigisaalu taakkununnga neqeroorutigissallugu ussernartorsiornarsinnaavoq, tassami taakku uniffeqannginnerannut iluaqutaasinnaagami, aammalumi pingaaruteqarpoq. Kisianni taannaannaq neqeroorutaasussaanngilaq – tassami kajungerinngikkaluarlugit sungiusagaqarnissaq pingaaartuuvoq – soorlu aamma inuit allat akornanni inooqataanissamut malittarisassat/najoqquassat tamanut atuuttut nalinginnaasut ilikkartariaqartut – aammal malittarisassat nuannarinngikkaluarlugit ilikkarnissaat iluaqutaasoq, ajoqutaanani, ilikkartariaqarpoq. Tassami tamakku inuunermi suliffimmiluunniit sumi sulinissamut sungiusarnermut iluaqutaagamik, tassa inatsisit nuanniitsut/soqutaarpianngitsut, ataatsimulli isigalugu (imaluunniit pisortarisaq nuannaartinniaannarlugu) malittariallit, arlaatigut ilikkalaarsimanissaat malinnissaallu pisariaqarpoq. Tamakku piginnaaneqarfiginissaat iluaqutaavoq – tassa peqquatasut qulaani allassimasut pissutigalugit, pingarnertullu peqqutigalugu meeqqat taakku atuartinniaraanni

atuaqatigiinni/atuarfimmi najoqqutassat tamanut atuuttut uteqattaartuarnissaat aammalu pisussat eqqoriaruminartuunissatt pingaaruteqarluinnarmat.

Allaaserisaq 6

Paarinnilluannginneq pillugu oqallinneq

Naalakkersuinikkut ingerlatitsineq (politikki) qinikkallu

Uggoraara paarinnilluannginneq pillugu oqallinnermi nuna tamakkerlugu qinikkat saassunneqartarnerat. Tassami naalakkersuisunut ilaasortap meeraq paarisussaanngilaa, ilaa? Ingerlatitsinissamulli aalajangiussat suunersut uani apeqquataapput, qinigaq kinaanersoq apeqquataanani – taakku ingerlatitsinermi anguniagassat suliarisarpaat, misissorluaraannilu takuneqarsinnaavoq meeqqanik inuuusuttunillu ikorsiisarneq pillugu peqqussut aqqutigalugu Kalaallit Nunatsinni sulinissamut pitsassuarnik tungavissaqartugut. Meeqqap qitiutinnissaa, assigiinngitsunik suliallit suleqatigiinnissaat aammalu piaartumik suliniuteqartarnissap qulakteernissaa tassani aallaavagineqarput. Taassuma saniatigut qeqquussut ataatsimut isigalugu Meeqqat pisinnaatitaaffii pillugu FN-ip isumaqatigiissutaanik tunuliaqtaqarpoq, taamaalilluni peqqussut tamarmiusoq isumaqatigiisummut tassunga toqqaannartumi innersuussivoq. Oqallinnermi uagut inunnik toqqaannartumik sullisisutut inatsisillu atorneqarneranni aqutsisuuusut peqqussutip taassuma qanoq atorneqarnera unikaallalluta oqaluuserisinnaasuugutsigu uanga toqqaannartumik inunnik sullisisutut tunginninngaanniit soqtiginassagaluarpoq. Peqqussutip taassuma, ”anersaakkut iliuutsikkullu” inuiaqatigiit pisussaaffimminnik naammassinninnissaannut uagut meeqqat sinnerlugit najukkani ataasiakkaani taamatuttaaq nuna tamakkerlugu qinikanut piumasaqarnissatsinnik pisinnaatippaatigut.

Sunamiuna peqqutaalluni pissutsit piviusut pillugit ilisimasatsinnik qinikanut apuussiniarnerput taama ajornakusoortitsigipput? Imaappa takusavut pillugit nalunaarutigisartakkaavut ikippallaartut? Ineriertornissamut akornutaasut ilungersunartut paarerleruinernik naalliutsitsinernillu peqquteqartut iluarsiivigissagaanni qanoq iliuuseqartariaqarnermik meeqqat sinnerlugit nalunaaruteqarniaraangatta anneruniangippallaartarpugut? Ajoqusigaanerit taakku meeqqap alliartornermini nammineq qaangersinnaanngikkai nassuiassallugit pikkorluppallaarpugut? Suna peqqutaallu meeqqat inuuusuttullu ikiornissaannut ”utaqqisunut allattorsimaffeqarnissaa” taama pitsaangilluinnartigisoq akuersaarsinnaavarput? Qanoq ililluni aningaasaqarneq meeqqanik sullissinermi apeqquatainnejarsinnaava, uffa nalunatigu tamanna suliassap suuneranik aallaaveqanngitsoq?

Inuit aalajangersimasut pisuutissallugit isumassaqanngilaq. Uani kukkusumik suliaqarneq imaluunniit aaqqissuussaanerup iluani amigaatilinnik iliuuseqartarneq atuuppoq, taamaattoqarneralu soorlulusooq akuersaaginnaripput. ”Kialluunniimm...” oqartarpugut ”takusinnaavaa iliuuseqarfiginissaa qanoq ajornanngitsigisoq” – oqaatsitta ima ilanissaat puigortarparput ”naammaginartunik atugassaqartinneqaraanni”.

Inuit, tassaasut angajoqqaat taamatuttaaq isumaginninnermi peqqinnissaqarfimmilu sulisut, ilinniartitsisut... killilimmik iliuuseqarsinnaanerisa akuersaarniqarnissaat kissaatigaara, tassami tamatta immikkut ”aaqqissuussaankut inissisimaffivut” kattukkaanni soorunami aamma taakku amigaateqarput ajoquteqarlutilu, tamannalu akuersaarsinnaagutsigu taava meeqqap qanoq inuunera, ineriertornera peqqissusaalu kialuunniit isumannartutut siullermeerluni oqaatigiinnaraangagu, sumi suliffeqarnerput akimorlugu piaartumik suliniuteqarsinnaalissagaluarpuget suleqatigiillatalu iliuuseqarsinnaalissagaluarluta. Tunginnit isigalugu sulisut ilinniartinnerisigut sungiusarnerisigullu ulluinnarni sulineq nukittorsarnejarsinnaavoq, taamaalilluta suliassani ulluinnarni suliarinnittarttuusugut qinikanut

nalunaarutiginninniaraangatta ersarinnerusumik apuussisinnaalissagaluaratta – anguniakkammi piviusunngortinniarerini kommunit taamatuttaaq namminersornerullutik oqartussat aammalu aqtsinikkut ingerlatsineq tunngavigalugit pingarnersiuilluni tulleriaarinikkut sulisoqartarpoq, pitsaanerpaamilli sulinissamut najoqqutassat PIGINEQARPUT.

Ilisimasat

Meeqqaq ajornartorsiutaasa qanoq annertutiginerannik takussutissiisunik kisitsisinik amigaateqarneq pissutigalugu ukiut arlallit matuma siornatigut oqallinneq killormut sangutinneqarpoq. Ukiuni kingullerne misissuinerit tunngavigalugit tamanut saqqummersinneqartartut takutippaat, meeqqat peqqissutsimikkut ineriartornermikkullu navianartorsiortinnejartut amerlavallaartut.

Tamannali ima isumaqanngilaq "Kalaallit Nunaanni meeqqat atugarliortuusut" – imali isumaqarluni Kalaallit Nunaanni meeqqat aarlerilersitsisumik amerlavallaartut atugarliortuusut.

Ima oqartartunik naammattuugaqakulavunga, pissutsit aaqqinniarlugit iliuuseqartoqanngilluinnarpoq. Tamanna eqqunngilaq.

Isornartorsiueq

Ajoraluartumilli ima pisoqakulasarpoq isornartorsiuisunut qisuariaeqarniarluta ulluinnarni sulinerput unitsikkallartariaqartarlutigu, isornartorsiuerit taakku piviusunik tunngaveqartangillat, piviusunik ilisimasaqarnermik tunngaveqartaratik, taamatullu isornartorsiuisoqaraangat pissutsinik allanguiniarluta suliniuteqartuuusugut, AJORLUINNARTUNIK atugassaqartitaaneq pissutigalugu imminut illorsorpaluttumik nipeqarnata qisuarciartarnissarput ajornakusoortarpoq. Aammalumi ukiuni qulini kingullerni allanguinerit AMERLAPPUT, piffissamili tassanerpiaq ajornartorsiuitit aamma amerlisimapput nutaallu takkusuullutik, tassa Kalaallit Nunaanni illoqarfinni annerni arlalinni "illoqarfissuarmi" ajornartorsiutaasartut saqqummeralersimammata.

Isornartorsiuerit amerlanertigut piviusunik pereersimasunik tunngaveqarajunngillat ilaannilu tusaqquaarnerinnartut isikkoqartarlutik!! Taamaattumik tamatigut maluginiarneqartarput. Tassa nipilioertoqaraangat taamaattoqartarpoq. Tusagassiutitigut saqquminerani avatangiisinit eqqumaffigineqartapoq "illersueqqajaasut" "akerlioqqajaasullu" tusarsaalersarlutik. Kisiannili kialuunniit akerlerissagunangilaa meeqqat ajunngitsumik atugaqarrariaqarnerat, ilaa?

Taamaallulta immaqa taanna siunertarinngikkaluarlutigu oqallinnerup sakkortuuliorfigineqarneranut peqataanitsinni angorusutaraluatta akerlianik iliuuseqalersarpugut. Ilaqtariinnimi ajornartorsiortiusuni pisut sakkortusarput, tamannalu naammaqaaq. Oqallinnerullu sakkortuuliorfigineqarnissaannut uagut ilaartuisariaqanngilagut, "uagut nammineq "eqqortuulluta" "allallu "kukkusuuusut".

Ulluinnarni suliamic ingerlatsisut tungaannit isigalugu

Uanga nammineq tunginnit isigalugu pisimasunik piviusunik saqqummiussissaanga, taamaaliornikkut piviusorsiortumik aallaaveqarlni isiginninnissaq iluaquserniarlugu. Uanga tassaavunga eqqarsartaatsip pissusiinik inuk tikillugu sullissisoq, tassa katsorsaasuullunga – ilisimatusatiginagu sulisuullunga – ulluinnarni sulineq ammalu sulinermi misilitakkat tunngavigalugit ilisimasakka saqqummiutissavakka. Tassa imaappoq ullumikkut inissisimanerup qanoq ITTUUNERA oqaluttuarissavara. Allat misigisaat allaasinnaapput, taakkulu aamma eqqortuullutik, tassami kialuunniit eqqortoq tamakkerlugu saqqummiussinnaanngilaa. Ulloq unnuarlu paaqqinniffinni 1994-imili sulivunga, ukiunilu kingullerni marlunni sumiginnaasarneq

pillugu nunatsinni kommunini pikkorissaanernik ingerlataqarsimallunga. 1994-imiilli Kalaallit Nunaat tamakkingajallugu angallavigisimavara, piffissamilu 2006-imi septembarimiit 2007-imi oktoberip naanerata tungaanut Kalaallit Nunaanni illoqarfii tamakkersimallugit aammalu nunaqarfippaaluit ornissimallugit.

Taamani 1994-imi ulloq unnuarlu paaqqinniffinni inissat ullumimut naleqqiullugu ikinneerarsuupput, taakkunani lu inissaqarttsisoqartuaannangajalluni. Utaqqisunut allattorsimaffeqarniarneq ajornartorsiutaanngilaq. Ukiulli qulit ataallugit ingerlaneranni ajornartorsiutit "aqunneqarsinnaajunnaarlutik" annertusisimapput.

Taamaattoqarneranut peqqutaasinjaasunik marlunniq ilimagisaqarpunga – toqqaannartumik uppernarsaatissaqanngikkaluartunik:

- sumiginnagaanerup meeqqanut sunniutigisartagai sakkortunerulersimapput (tamanna assigiinngitsunik peqquteqarpoq, piffissaq alla atorlugu nassuiarusutannik), kiisalu
- taamaattoqarnera sulisunit assigiinngitsunik ilinniagalinnit eqqumaffigineqarnerulersimavoq.

Suleriaatsit ineriartortinniarlugit iliuuseqarnissaq soqtigineqalersimavoq, iliuutsillu ilagisimavaat meeqqat, isumassuineq/sumiginnaaneq assigisaallu pilligit ukiuni kingullerni qulini-15-ini Kalaallit Nunaanni ataatsimeersuartoqartarnera isumasioqatigitoqartarneralu (1994, 1999, 2000 + ukiut pingasukkaarlugit NunaMed-imi saqqummiinerit assigiinngitsut, kingullermik 2007-imi).

Oqartussaasoqarfii assigiinngitsut aaqqissugaannik pikkorissaasoqartarpoq ilinniartitseqittoqartarlunilu, tassani peqqinnissaqarfik / PI, ilinniartitsinermik ingerlataqartut, tassa ISI aamma SPS aammalu Ilaqutariinnermut Pisortaqarfik suliniuteqarput, ukiunilu 1998-imiit 2006-imut ilinniartitseqqinnerit sisamat ingerlanneqarput, sulisullu 90-it missaaniittut piginnaasaat qaffassaavigineqarlutik, soorluttaaq aamma siunnersioqatigiinnerit najukkamilu pikkorissarttsisarnerit aqqutigalugit ulluinnarni sulinermi piginnaanerit nukittorsaavigineqarsimasut.

Kiisalu aamma Innuttaasut peqqissuunissaannut pilersaarusiaq annertooq suliniutigalugu aallartinneqarpoq, Imminortarneq pitsaaliorniarlugu suliniut aallartinneqarpoq, aammalu sumiginnaasarneq pillugu/akiorniarlugu annertuumik paasisitsiniaaneq ingerlanneqarsimavoq – quppersagaqqat, tusarnaagassiat, piviusunik isiginnaagassiat aqqutigalugit atituumik qaammarsaaneq taavalu aalajangersimasunut saaffiginnilluni kommunini sulisunik pikkorissaanissamut neqeroorutit ingerlanneqarsimallutik.

Najukkani tamani tamaani suliamut tunngasunik eqqumaffiginnilerneq tamatuma kinguneraa, taamaalilluni meeqqat sumiginnakkat ersiutaat "ersinngitsut" ilaat eqqumaffigineqarnerulersimapput. Tamannalu ajunngilaq.

Ukiuni kingulliunerusuni Kalaallit Nunaanni ulloq unnuarlu paaqqinniffinnut inissittakkat meeqqat misigissutsikkut aamma/imaluunniit kinaasutsikkut ajoqusikkat amerliartupiloorsimapput.

Ajornartorsiutit taakku inuup eqqarsartaasiata aaqqissuussaarnerata aammalu inooqataanikkut tunngaviusumik piginnaanertigut ajoqusigaaneranit pinngorput, soorlu tatiginninneq/upperinninneq. Ukiut qulit-15-it matuma siorna taamaattut ikitsunnguit Kalaallit Nunaanni takusarpavut.

Meeqqat mikinerminningaanniit ajoqusikkat amerleriarsimanerujussuannut peqqutaasinjaasutut, ulluinnarni tamakkuningga suliaqartutut, ilimagaarpuit 1960-ikkunni 1970-ikkunnilu Kalaallit Nunaanni inuunerup allangorsimanera, taamaalillunilu inuit akunnerminni inooqatigiinneranni

pissutsit allangorsimanerat: suliffissuaqarnermut ikaarsaarnerup inuit allamut noorarnissaat pisariaqartunngortissimavaa – tamatumalu kingunerisaanik ilaqtariit avissaartuussimallutik. Inuit aningaasaqarnerulernerisa immaqalu aamma pissutsinut nutaanut isernalernermi nalorninerisa aalakoornartulinnik imernerujussuaq nassatarisimavaat, taamaalluni innuttaasut ilarpassui 1960-ikkunni 1970-ikkunniliu tamatumannga eqqorneqarsimallutik. Tamakku tunngavigalugit ilimagaarput 60-ikkunni 70-ikkunniliu ajornartorsiutit sakkortuut kingunerisaannik meeqqat mikisullutilli ajoqusermeqarsimasut – imaluunniit eqqortumik oqaatigalugu taamanikkut aaqqinneqarsimanngitsunik.

Inatsiliat naapertorlugit, tassa meeqqanik inuusuttunillu ikorsiisarneq pillugu peqqussut naapertorlugu, meeqqap pisariaqartitai aallaavigalugit sulisussavugut, piaartumik akuleruttarluta kiisalu suliffeqarfii assigiinngitsut suleqatigiinnerat nukitorsassallugu.

Inunniq sullisisutut aatsaat taama inatsimmik pitsaatigisumik tunngavissaqarpugut. Aalajangersakkat taakku piumaffigaatigut meeqqat pisariaqartitaat aallavigerpiarlugit sulissasugut. Soormiuna taava taama ingerlasoqanngitsoq? –

Immaqa sivisualaamik suliap aallartinnissaa utaqqissuttarparput?

Piaartumik suliamik aalartitsisarnissaq pikkoriffigisuugaluarutsigu, taava ajornartorsiuteqartoqarsinnaaneranik malunniutit siullit takuneqariartullu angajoqqaat, meeqqerivinni perorsaasut/ilinniartitsisut sulisullu allat suliamut attuumassuteqarsinnaasut allat peqatigalugit pilersarut siunissamut ungasissumut sammisoq suliarisinnaassassagaluarparput, taamaaliornermilu eqqaamallugu meeraaqqaat annikitsunik ajornartorsiuteqartarmata alligaangamilli ajornartorsiutaat aamma allisarmata, taamaalsoqaraangallu avatangiisini nalinginnaasuni najugaqarsinnaajunnaartarlutik. Piaartumik iliuuseqaraanni meeqqat taakku ilaat ikiorneqarsinnaapput, sivikitsumik allamut inissikkallarnerisigut, taamaallilluni meeqqap ilaqtariillu sunarpiaq ajornartorsiutigneraat itinerusumik misissorneqarsinnaanngorlugu: Meeraq misigissutsimigut qanoq ititigisumik ajoqusigaava? – kinaassusiata ineriarornera? Meeraq innarluuteqarpa? Angajoqqaat angajoqqaatut piginnaaneri naammappat? Anaanaq ataatarluunniit eqqarsartaatsikkut napparsimava? Anaanaq ataatarluunniit atornerluinermik ajornartorsiuteqarpa?

Meeqqat/ilaqtariit ataasiakkaat katsorsarnissaannut pilersarutit ullumi suliarisartakkatsinnit eqannerusut suliassani amerlanerpaani atussallugit periarfissaqarpoq. Takorloorpara ulloq unnuarlu paaqqinniffit eqaatsumik sulinissamut ineriarortinnejqarsinnaasut, assigiinngitsunik periuseqarluni inissiisarnikkut – piffissaq tamakkerlugu, piffissap affaa, sisamararterutaa, nalunaaquttap akunnialui, meeraq tessani najugaqartittarlugu, angajoqqaat piffissami sivisulaartumi pulaartiittarlugit, ilaqtariinni pissutsit suliniarficalugit, meeraq angerlarsimasarsinnaavoq ajornartorsiutit qaffakaalissagaluarpata (soorunami taama pisoqakulasarpoq) ulloq unnuarlu paaqqinniffik ikiorsinissamut "piareersimasuutillugu" – isumassarsiorsinnaaneq kisimi killiliivoq, tamakkuninngalu iliuuseqarnissatsinnut inatsisitigut periarfissaqartinnejqarpugut. Aatsaammi tassa periarfissatsialaat!! – aaqqiinialrulta assigiinngitsorpassuarnik iliuuseqarnissatsinnik inatsisit periarfissippaatigut, tamannarpiaarlutu sullissinissatsinnut pisariaqartipparput. Noqartit amerliartortillugit assigiaaginnanngitsumik nipilersortoqarsinnaalertarpoq. Tamatumali angunissaanut uagut ulluinnarni sulianik ingerlatsisut allaffissornikkullu ingerlatsisut suut suliassaralugit nalunngittariaqarpavut pikkoriffigisariaqarlutigillu, suleqatigeeriaatsitta eqaatsuunissaa aammalu ilutigalugu siunertaqarluta sulisinnaanissarput pisariaqarpoq. Tamanna ima isumaqarpoq, ajornartorsiutip taassumpiaap aaqqinnissaanut periaasissarput toqqartassagippuit, suliani ataasiakkaani iluarsiissutissat ataasiinnaanngitsut toqqartassavavut, pisariaqartitat

allangussappata/allangorpata periutsitta naleqqussarnissaanut piareersimassaagut, ilutigaluguli suliatsinnut ileqqorissaarnermullu tunngavigisatta "ilumoorfiginissaa" eqqaamassallugu.

Inuit pillugit tunngaviusumik eqqarsariaatsit ilaat meeqqat/angajoqqaat ineriartornisaasa periarfissaanut iluaqtaasarpot ilaallu ajoqtaasarlutik – pissutsit qanorluunniit ittuugaluaraangata. Piffissap ingerlanerani iliuuseqariaatsit sorliit allanit pitsaanerunersut qasseeriaqaluni misissorneqartarsimapput, tamatigullu inernerit assigiingajattarlutik: assigiinngissuteqanngingajallutik. Iluatsittumik angusaqassagaanni suliassap suuneranik nalunginninnissaq soorunami piumasaqaataavoq, atortussallu suut atussallugit nalunnginnissaat, aalajangiisuuusartorli unaavoq katsorsaasup ileqqorissaartuunissa: inunniq katsorsakkaminik ataqqinninnissa, attaveqarnermik pilersitsinissa, aammalu uppernartuunissa.

Tamakku tusaannarlugit nalunartuusorinanngillat, aammami arlaatigut taamaappoq, makkuli piumasaqaataallutik,

- katsorsaasup takorluukkaminit allaanerusumik ingerlasoqarneranut pakatisinini allatut ajornartumik inooqataaffigisinnaasariaqarpaa
- inummut eqqarsartaatsikkut anniartumut attaveqarnerup attatiinnarnissa katsorsaasup sapinngittariaqarpaa, (tassami anniarneq taanna katsorsaasup nammineq aamma misigilertarmagu)

Tunngaviusumik maleruagassat sinaakkutissarititaasullu aammalu meeqqat ajornartorsiutaat annertusiartuinnartut pissutaallutik ajornakusoorsinnaagaluartoq, ileqqurissaarluni oqaatiginninneq ileqqupiloqarluni oqaatiginninnermiit sivisunerunngilaq – inunniq ataqqinnilluni pinninneq isornartorsiilluni/nikanarsaalluni pinninnermit sivisunerunngilaq. Qanoq tunngaviusumik isumaliortaaseqarneq apeqqutaavoq.

Isummat taakku ilungersuutinngilakka susassaqarfimmi aqutsinikkut ajornartorsiuteqartoqarnera pingaaruteqanngitsutut isigigakku, taamaaliorpungali arlaatigut aqutsinikkut ajornartorsiuteqarneq pissutaalluni oqallinneq iliuutsillu nikallornermik neriuutissaarunnermillu unitsinneqassagaluarpat uggornartutut isigigakku. Isumaqpunga aqutsinikkut aaqqissuussaaneq qanorluunniit ikkaluarpat – sulinitsinnut iluaqtaappat imaluunniit ajoqtaappat – iliuuseqarnissaq ingerlanneqartuaannarsinnaasoq, oqallinnerlu periarfissatta eqqumaffiginerulernissaannut iluaqtaasinnaappat, immaqa neriuutissaqanngitsutut misiginnginnerulissaagut, naak ajornartorsiutit ANNERTUGALUAQISUT.

Meeqqanik pisortanit/aqtsisoqarfimmit sumiginnaasoqartarpoq, nuna tamakkerlugu taamatuttaaq najukkami qinikkat tungaannit pingaarnersiuilluni tulleriaarisinnaasoqarsimanngikaangat aammalu isumaginninnermi oqartussaasut tunngaviusumik isiginneriaasiannik aallaavilimmik naapinneqanngikkaangata, meeqqat taakkulu angajoqqaavi ikioqqullutik saaffiginnikaangamik/saaffiginnissagaluarunik imaluunniit nalunaarutiginnitqarsimatillugu attaveqarfigineqaraangamik.

Meeqqat atuarfianni ilinniartitsisut imaluunniit ulluunerani paaqqinniffinni sulisut ilaat oqartarput, meeqqat naammaginanngitsumik inuuneqartutut pissutissaqarlutik pasitsaassatik imaluunniit ilisimalikkatik pillugit isumaginninnermi oqartussanut nalunaarutiginnittaraluarlutik.

Inatsisitigut pisussaaffit naammassinissaannut atugassat naammanngippata, oqartussaasoqarfik taanna, qinikkat imaluunniit allaffisornermi aqutsisut ajornartorsiuteqarput. Tassalu uagut ulluinnarni tamakkuningga suliaqartuuusugut qinikkat pissutsinik paasisaqarnissaannik ikiortussaavavut, taamaalilluni inatsisini piumasaqaatit naammassiniarneranni aningaasanik atugassanik pingarnersiuilluni tulleriaarisinnaaqquullugit. Tassa uagut atorfilitut aammalu ulluinnarni sulisutut piviusut saqqummiunnissaat qunugigutsigu, taava aamma sumiginnaaqataassaagut – tassa meeqqat taamatuttaaq angajoqqaat sumiginngaanerannut peqataassaagut, taavalu aamma ajornartorsiutit aaqqinnejarnissaannut kinguarsaaqataalerluta.

Saqqumersitaq 1

Ilaqtariinni sumiginnaasoqarneranut ersiutit

Ilaqtariinni killigititat

- avatangiisunut killigititat
 - kinguaariaat akornanni killigititat
 - inuit ataasiakkaat akornanni killigititat
 - ilaqtariit akornanni inuit ataasikkaat inuttut kinaassusaasa killigititaat
-
- meeqqanut nukissaaleqineq
 - meeqqat inersimasullu pisariaqartitaasa assigiinnginnerannik paasinnissinnaannginneq
 - nammineq pisariaqartitat tunulliukkallarlugit meeqqat pisariaqartitaanik salliussinissamut paasinnissinnaannginneq
 - nalinginnaasumik nukissakilliorneq
 - ilaqtariinni ajornartoorneq

Sumiginnaaneq (Kari Killén):

- timikkut innarliineq
- paarinerlugaaneq
- eqqarsartaatsikkut innarliineq
- kinguaassiutitigut innarliineq


taakku ataatsikkut pisinnaapput – meeraq ataaseq sumiginnaariaatsinit arlalinnit eqqugaasinnaavoq

- imminut nikanartinneq
- pissusilorskikkut ajornartorsiuteqarneq
- imminut maluginninnermik amigaateqarneq – meeqqanik allanik maluginnissinnaaneruneq
- ”meeqqat inersimasuaqqat”

Saqqumersitaq 2

Pingasunik teqeqqulik Ajoqusigaq-Ajoquusiisoq-Ikiuisoq

Ikiuisoq



Titartagaq pingasunik teqeqqulik ukkuninnga imaqartarpoq ajoqusigaq-ajoquusiisoq-ikiuisoq, pissutsit taakku inuit imminnut naligiinngitsut ataatsimooraangata atuukkajuttarput: ataaseq – tassa ajoquusiisoq – inoqatiminut **pissaanermik atornerluisuusarpoq** – ajoqusikkap – **nalikinngerusutut** misiginera naqissuserneqartutut ittarpoq, namminerlu isumaqalersarluni ajoquusiisup kissaataasa pisariaqartitaasalu suunerinik paasinninnissaq pikkoriffigisimanagu – taamaattumillu sapinngisani tamaat **aqqiiniartariaqarluni**, ajoquusiisup imminut iliuutsini pissutigalulgut nikanarsarneqannginnissaa anguniarlugu **ajoquusiisoq ikortariaqarlugu**. Siullermik niviaraq ajoqusikkatut imminut inisseeqqaartarpoq, taavalu ajoquusiisumut ikiuisutut inissittarluni, taamaalillunilu ajoquusiisoq ajuoqusikkatut inissittarpoq namminerlu pisariaqartitami tullianik naammassinissaanut ikiorneqartarluni. Ilaannikkut inuit akornanni pissutsit taakku paarlattuanut ingerlasinnaasarput, tassani ajoquusiisoq ikiuisup inaanut inississinnaasarpoq, ilaannikkullu pissutsit paarlauinnarsinnaasarput, taamaalilluni ajoquusiisoq ajoqusikkap inaanut pisinnaasarluni, **maniguunnermigut** iliuutsini ajortut peqqissimissutigisarpai isumakkeerfigineqarnissani saammaasseqatigiinnissarlu anguniartarlugit.

Ajoqusikkap taamatuttaaq ajoqusiisup aappani annaannialersarpaa, taamaasiortarneq paarlakaajaallutik atorajuttarpaat.

Ilaqutariinni atornerluiffiusuni periutsit taakku kipisuitsumik uteqattaarneqartarput. Meeqqat kinguaassiutitigut atornerlukkat pisartut taakku ilisimasarpaat, inuttullu kinaassusiat imaluunniit pissuserinerusartagaat tassaalersapoq "ajoqusikkatut inuuneqarneq" imaluunniit ajoqusiisutut inuuneqarneq", ilaannikkullu pissusilersornerat tassanngaannaq allanngoriataarsinnaasarluni. Meeraq katsorsartinnermi nalaani qanorluunniit "ajoqusikkatut" pissusilersortigaluaraangami tassanngaannartumik ajoqusiisutut pissusilersulersinnaasarpooq, soorluttaaq aamma meeraq ajoqusiisutut pissusilersortoq qaquguluunniit pinngitsooran ajoqusikkatut ilisarnaataa saqqummertussaasoq.

Inunnik ikiuerusukkatta katsorsaasunngornissarput imaluunniit isumaginnittungornissarput qinersimavarput, taamaattumillu **katsorsaasoq** meeqqamut **ikiuisutut** imminut inisseqqajaasunngorsinnaasarpooq. Pingartumik sullitaq ajoqusikkatut pissusilersoraangat katsorsaasup tuppallersaanissani imaluunniit meeqqap anniaataanit aniguisinniarnissaa anguniaqqajaalersarpaa. Taamaakkaluartorli meeraq tuppallersarneqarsinnaanani aniguisinneqarsinnaanngilaq, tassami **sulisoq aniguisitserusussutsimut "pulagaangat"** meeqqap **pissusilersuutini** **allanngortittarpaa ajoqusiisutullu pissusilersulertarluni**. Taamaalisoqaraangat sulisoq atornerlunneqartutut paatsoorneqartutullu misigeqqajaalersapoq immaqalu meeqqamit ajoquserneqartutut misigilersinnaasarluni, taamaalluni meeqqap paasinnilluni sulisumut pissuseqarnissaa kissaatigisinnaasarlugu. Taamaalisoqaraanga **meeraq ikiuisup inaanut inississinnaasarpooq** katsorsaasorlu tuppallersarlugu aallartissinnaasarluni. "Pingasooqatigiinneq" taamatut isikkulik meeqqap ilaquitamininggaanniit ilisimavaa aammalu kinguaassiutitigut atornerlugaasarnerminit ilisimallugu, taamaattumik taamatut pissuseqarluni "ataatsimoorneq" ilisarmapoq niviarsiaqqallu/nukappiaqqallu tungaanit taamaattussaannartut misinnarluni.

Angerlarsimaffimmini pisartut assinganik pisoqarneratut meeqqap misigisaqarnera **meeqqamik katsorsaaniarnermut ajoqutaavoq**, sammisannullu uunga tunngatillugu **pisut kipisuitsumik taamatut imminut kaputartuunnerat sulisumit akulerutinngitsoorfiusinnaannginnerat** uani ajornartorsiutaavoq.

Meeqqat "pingasooqatigiinnermut" peqataaqqusisutut pissusilersorneranut pulaannassanngikkaanni **ilukkut oqimaaqatigiissumik** inuuneqarnissaq pisiariaqapoq. **Sungiusarneq** amerlasuutitigut eqqumaffiginninnissaq anguniarlugu siunnersioqatigiinnikkut aallartittapoq, taamaalluni **pingasooqatigiinnermut "pulasoortarnerit"** ikilisarneqarsinnaallutik, soorluttaaq aamma nammineq iliuuseqarnikkut **anigorneqarsinnaasoq**, taamaalluni sulisup imminermini oqimaaqatigiinneq nassaareqqissinnaalerlugu. Tassa meeqqat ilaginnakkat sumiginnakkallu sorsutiginerimi immitsinnut ajoqusikkatut inississanngikkutta taamatuma sungiusarnissaa iluaquataavoq.

Innarliineq



Ikiorfissaqanngitsutut misigineq

- annilaangaq
- pisuuusutut misigineq
- kanngusunneq
- 'pisariqartitakka pingaanngillat/pisariaqartitaqanngilanga'
- 'Allat pisariaqaritaat pingaarpuit'

Pissaaneq

- pisuuusutut misigineq
- kanngusunneq
- 'pisariqartitakka pingaarpuit'
'pisariaqartitakkat allat isumagissavaat'


Ajoquasiisup iliuutsiminut peqqutigisai:

Pisariqartitat, angutip arnap meeqqamik kinguaassiutitigut atornerluinermigut pisariaqartitani naammassiniarpai.

- Meeraq asanninnermik misigitippaa
- Atoqatigiinnikkut pisariaqartitani naammassisivai
- Pissaanilittut misigivoq
- Kamanneq pigisani anisippaa

Saqquimmersitaq 3

Inuttut kinaassutsip sakkutut atorneqarsinnaaneranut takussutissiaq



Saqqumersitaq 4


Meeqqanik oqaloqatiginninneq

Meeqqamut tunngatillugu

- Meeraq soqutignerullugu ajornartorsiutai isigivallaarnagit
- Meeqqap oqaaseqarani oqariartuutai paasiniarsarikkit
- Piviusortunik sammisaqarit, oqaatsikkut misigissutsikkullu
- Meeqqap inisisimanera ajunngitsup tungaanut saatillugu nassuiaruk
- Meeraq oqaloqatigiuk - apersornagu
- Oqaloqatigiinnermi sinaakkutissat pilersikkit – meeqqap sammerusutai sammikkit
- Eqqartukkat nalinginnaasunngorsarneranni meeraq ikioruk

Ilinnut tunngatillugu

- Qanoq pisoqarsimaneranik meeqqap paasinninera illit paasinninninit allaasinnaavoq
- Piviusoq iperarnaveersaaruk
- Titartagaq pingasunik teqeqlilik ukkuninnga imaqartartoq ajoqusigaq-ajoqusiisoq-ikiuisoq pulaffiginaveersaartuk
- Siunnersioqatigiinnissaq isumagiuk – imminut 'imaarniassagavit' –attortinneq, aalatigaaneq, eqqugaaneq



Else Christensen, 1999

Saaqqummersitaq 5

SULINIUTEQAREERNERMI MALINNAANISSAQ – MEEQQAMIK TAPERSERSUINISSAQ

Arriitsumik tuaviorneq

Kisimiinnani sulineq

Eqqaamallugu: Pisut meeqqamut nutajunngillat

Ajornartorsutip sualunnera imaluunniit annertunera pissutigalugu uippakajaarnaveersaarnissaq Misigissutsit aammalu ileqqurissaarnissamut tunngasut ajornartorsutip pilersitanik "tunillatsissinnaaneq" eqqumaffigineqassaaq

Meeqqap imminut illorsornera ataqqineqassaaq – oqalunnissaanut pinngitsaaliusarneqassangilaq Nukappiaraq/niviarsiaraq inisisimanera/imminut paasinninera aallaavigalugu naapinnejassaaq

Oqaloqatiginninneq atorneqassaaq apersuineq pinnagu

Meeraq oqaatsit atorlugit oqaluttuarsinnaanngippat/oqaluttuarusunngippat tamanna ataqqineqassaaq

Meeqqap timini atorlugu oqariartuuteqarniarsinnaanera eqqumaffigineqassaaq

Misigissutnik saqqummiusisinnaaneq imaluunniit tamatuma malunnaatilimmik amigaataanera eqqumaffigineqassaaq –

Eqqaamallugu, meeqqap oqaluuserisani allanngorartikulasinnaammagit –

sammisanik allanik oqaluuserisaqarusunnera ataqqineqassaaq

Sammisaq pineqartoq illit ilunni aalajangiusimaguk, meerarlu piareerpat uterfigalugu

Meeqqap oqalunnermini eqqartugaa suugaluartorluunniit tusarnaaruk

innarligaanermik/ajoquisigaanermilluunniit ilisarnaatinik takussutissaqarnersoq misissorlugu

Meeraq innarlerneqarami tamanna pisuussutiginngila – maanna inuttut ataqqinassuseqarnini meeqqap malugussavaa

Katsorsaaneq meeqqamut ajoquisiinerussanngilaq – taamaapat killormut pisoqassaaq:

Ajoqusikkatut-kinaassusillit ajoquisiisutut pinnittut akuersaassavai, taamaalillunilu "uanga tassaavunga ajoquisigaartoq – tamannalu AJUNNGILAQ"-mik "ilisimasaa"

uppernarsarneqaannassalluni

Ajoquisiisutut-kinaassusillit ajoquisiinermik akissuteqartarput, imaassinggaavorlu pinngitsuusaartut imaluunniit kamallutik aniinnartut – avatangiisit akeqqersimaartuunerannik inuillu tamarmik sianilluannginnerannik/qasunaannartuunerannik/inooqataaffigissallugit imminut akilersinnaasuunnginnerannik "ilisimasai" uppernarsarneqaannassallutik – "taannaqaana taamaattoqartoq nalunagu, uanga nammieerlunga aaqqiiniartariaqarpunga" – "taakku ataatsimilluunniit paasisimasaqanngillat" ...

Piffissaq sivisoorujorujussuaq atortariaqarpoq

Piffissaq sivisoorujorujussuaq atortariaqarpoq

Oqartussaasoqarfiit amerlasuut suleqatigiittariaqarput

Imminut akerleriilinnginnissaq angussagaanni oqartussaasoqarfiit assigiinngitsut suleqatigiinnissartik sungiusartariaqarpaat

Amerlasuutigut pissutsitoqqat uterfigeqqinnejartarpuit
Ilaannikkut iluatsitsisinnaanngitsutut misiginartarpoq
Ilumut eqqortumik iliorneluni nalorninarsisarpoq
Allat iliuusaat (iliuuseqannginnerat) isornartorsiusallugit kajungernarsisarpoq
Ajornartorsiutit angerlaanneqartarpuit

Siunnersioqatigiittarnissaq pisariaqarpoq
Pisut qanoq ingerlaartarnerat pillugu patajaatsunik ilisimasaqartariaqarpoq
Sullitat suleqatillu akornanni killigititat suliarinissaannut sungiusartariaqarpoq
Nammineq inunnut sulisutullu kinaassutsit killissai sumiinnersut nassaarinissaat
sungiusartariaqarpoq

Saqquimmersitaq 6

ILAQTARIINNI NUKISSAT PIGINEQARTUT NALILERSORNERAT AAMMA ILAQUTARIINNIK IKIORSIINEQ

Ilaqtariinnik pineqartunik maannakkorpiaq sullisisunik suleqatigiissitaliorqassaaq
Sulineq aaqqissuulluakkamik ingerlaniassammat paarlakaajaalluni saqqummiisarneq sulinermi
periuserineqassaaq:

Sulisut ataasiakkaat imminnut ilisaritissapput suliamullu qanoq attuumassuneqarnertik
oqaatigissallugu – sulisup ataatsip assersuutigalugu suliai assigiinnngitsut imminnut
kattunneqarsinnaanersut nalilorsorneqassaaq

Paasissutissat pigineqartut katarsorneqassapput

Oqallinneq, isumassarsianik paarlasseqatigiinneq, siunnersuusiorneq

Suliap ingerlaqqinnissaa pilersaarusiorneqassaaq – piffissaq suna nallertinnagu kia suna
suliarissavaa?

Tullianik ataatsimiinnissaq isumaqatigiissutigineqassaaq, aalajangersimasumik periuseqartoqassaaq,
”pisariaqalerpat tullianik ataatsimiissaagut” atorneqassanngilaq!!

Ilaqtariinni nukissat suunerinik misissuineq

Saqqumersitaq 7

Ilaqutariit killigititaannik misissuineq:

Avatangiisinut:

avatangiisinut akuunerup annertussusaa – aammalu ”inunnut allanut” isiginnittaaseq – ilaqtariit ammassusaq/matoqqassusaq qanoq ilisarnaateqarpa?

Kinguaariaat akornanni:

Meeqqanut inersimasunullu ”tunngasut” assigiinngissutaannik inersimasut takunnissinnaanerat, kiisalu meeqqat ukiuminnut naleqquutunik piginnaaneqarnissaannut taakku nalilersuisinnaanerat – angajoqqaat misigissuttikkut pisariaqartitaat aamma / imaluunniit suliassat meeqqanit - ukiuminnut naleqquatumik ineriarnerminni killifimmik saniatigut - isumagineqarnissaat angajoqqaat kissaatigaat?

Inuit ataasiakkat akornanni:

Isummat/soqtigisat assigiinngissinnaanerannik akuersaarneq ... meeqqap alliartornini ilutigalugu nammineerusuleriartortarneranut naleqqussartoqarpa aammalu allanit isumagineqarnissaaminut piasriaqartitai isiginiarneqarpat? Misigissutsit pissaanerlu ilaqtariinni qanoq aqunneqarpa?

Inuup ataatsip iluani:

piviusunut paasinnittaaseq qanoq ippa

Meeqqap innarlerneqqinqinnissaanut angajoqqaat meeqqamut akisussaaffimmik tigusisinnaappat?

Ilaqtariinni atornerluisoqarpa – kinguaassiutitigut?-imigassanik aalakoornartulinnik?-iisartakkanik?-ikiaroorniutinik?

Suliaq sivisuumik ingerlasussaq aallartippoq

”Pissutsitoqqanut utersaartoqakulasarpooq” – tamanna pisimasunut malunniutaavoq – ersiut paasissutissanik imalik

Saqqumersitaq 8

Kinguaassiutitigut uteqattaartumik atornerlugaanerup aammalu sumiginnagaanerit ilungersunartut allat kingunerisaannik ajoqusigaanerit aallajangersimasumik iluseqarlutik meeqqani saqqummertarput –

Meeqqanik katsorsaasartup amerikamiup Roland Summit-ip ima allaaseraa:

- isertugaq – innarliinerit nipangiusimaqqullugit ajoquisiisup meeraq ussassaartarpaa, sioorasaartarlugu imaluunniit pinngitalisarlugu
- ikiorfissaqannngitsutut misagineq – pisup nalaani pissaaneq tamaat ajoquisiisup tigummisarpaa – meeraq pisunut iliuuseqarsinnaassuseqartanngilaq
- naleqqussarneq – meeraq annanniarluni periusissani ineriartortittarpai, inuunermini nammassinnaanngisani sapernagit atorsinnaaniassagamigit silatusaarluni periusissaminik ineriartortitsisarpoq – ”ilumini qilersuisarpoq”
- paasineqarneq – malunniutit sakkortuut pasitsatsitsiarput, imaluunniit innarliinerit meeqqap oqaluttuarisarpai.
- Paanineqareernerup kingorna misialerneq – meeqqap inuttut kinaassusini misigissutsinilu, ilaqtutanut akisussaasutut misiginini assigisaalu pissutigalugit taamaaliornissani pisariaqartittarpaa. ...

Ilutsimi ersersinneqarpoq meeraq peroriartornermini atugarlioraluarluni annanissamut periarfissaqarniarluni qanoq iliuuseqartartoq, taamaattumillu meeqqat taakkorpiaat meeqqanlut allanut naleqqiullutik amerlasutitgut sooq allarluinnarmik ingerlasarnersut, naak qallikkut nalinginnaasumik isikkoqaraluarlutik aammalu silappaarissuusinnaallutik amerlasutigullu piginnaaneqarluartalarluarlutik.

Katsorsaanitsinni – uani katsorsaaneq atituumik eqqarsaatigaara – qanoq pisoqarsimanera pinngitsoorata soqtiginartinnerullugu sammisassarinngilarput, tassaallunili taama pisoqarsimanerata meeraq qanoq sunnersimaneraa imaluunniit ineriartornissaa qanoq akornusersimaneraa.

PISUT AJOQUSIGAANERUP QANOQ ANNERTUTIGINERANIK SUNNIINERAT

- Meeqqap ukiui/ineriartornermini killiffia – pisoqarnerani meeraq mikinerutillugu ajoquisiineq sakkortunerusarpoq
- Innarliinerit annertussusaat – amerliartortillugit ajoquisiineq sakkortusiartortarpoq
- Innarliinerit suunerat – atoqatigiinneq – attuanninneq – atoqatigiinnermut tunngasunik sarsuasunik isiginnaarneq – timikkut ataqatigiinneq qanilliartortillugu, ajoquisiineq sakkortunerusarpoq
- Ajoquisiisup meeqqamut attaveqarnera – atassuteqarneq qanilliartortillugu, ajoquisiineq sakkortunerusarpoq
- Meeraq allanut oqaqqunagut ajoquisiisup periusai – annilaarnarnerugaangamik ajoquisiineq sakkortunerusarpoq

Saqqumersitaq 9

Suleqatigiit assigiinngitsunik suliallit

Angajoqqaanik akuersitsitsisoqassaaq.

Ataatsimeeriaaseq kommunimi oqartussaasoqarfiit assigiingitsunik suliallit ataatsimeeriaasiannut assersunneqarsinnaavoq.

- ”paarlakaajaalluni suliamut attuumassutip suunera oqaatigineqassaaq”.

Suliffik suna tunuliaqutarinerlugu suliamullu tassungarpiaq qanoq attuumassuneqarnerluni ilisaritinneq. Suliassaq ilaqtariillu pillugit suna suliassaanersoq qitiutinnejassapput.

- Ilisimasanik katersineq.

Nammineq takusimasatit oqaatigikkit. Allat ilisimasaanit allaanerupput. Taamaattumik suliassaq sammivinnit assigiinngitsunit saqqummersinneqarpoq.

- Oqallinneq – suliassanut atasut – isumassarsiorneq.

Oqallittoqassaaq. Ilimagisat saqqummiunneqassapput. Ilaqtariit taakorpiaat periarfissaat takuniarnejassapput/nassaarineqassapput.

- Aalajangiinerit.

Suliassat pillugit peqatigiilluni aalajangiisoqassaaq, kiap suna suliariissavaa, qaqlugu, qanoq iliorluni. Tullianik ataatsimiinnissaq isumaqatigiissutigineqassaaq, oqaloqatigiittoqassaaq, angusat siuariaatit imaluunniit kinguariaatit saqqummiunneqassapput. Ilaqtariinnik sullissineq unitsinnagu ingerlatiinnarnejassaaq. Selineq unittoorpat ilaqtariit periarfissaat tulleriaarlugit allattorneqassapput.

Saqqumersitaq 10

“Tunngaviusumik inatsisit”

Tunngaviusumik inatsit tassaavoq

- **meeraq mikinerutilluni unneqqaserluffigineqaraangami/naalliusitaagaangami, ajoqusigaanera sakkortunerusarpoq.** Tamatumunna peqquaavoq uagut inuit misigisavut siullit inuttut kinaassutsitta ilusilersornerani atortratsigit, taamaattumik inuunitsinni misigisavut siullit amerlanersaat pitsasuuunngippata aalajaatsuunatillu inuttut kinaassuserpoq aamma taamaassaaq

Tunngaviusumik inatsisit aappaat tassaavoq

- **meeqqap unneqqaserluffigineqarnera/innarlerneqarnera akulikilliartortillugu, ajoqusiineq sakkortusiartortarpoq.** Tamatumunngaa peqquaavoq inuunitsinni ileqqunngortut suut nalinginnaasuunerannik suullu nalinginnaasuunnginnerannik paasinnitaatsitsinnik sunniisarmata, taava meeraq isumaqalersarpoq angajoqqaat meeqqaminnik unneqqaserluffiginninnerat meeqqat taamaattussaannartut isigilertarpaat, namminerlu taamaattoqarneranik misigisatik nuannarinngikkaangamikkit isumaqalersarput namminneq pissusissamisoortuunatik.

Tunngaviusumik inatsisit pingajuat tassaavoq

- **meeqqap naalliusitsisuatalu imminnut attaveqarnerat qanilliartortillugu, ajoqusiineq sakkortusiartortarpoq.** Tamatumunngaa peqquaavoq tatigeqatigiinneq/qanittumik attaveqatigiinneq ineriartornissatsinnut pisariaqartikkatsigit, taamaattumik meeqqap inuunermini inuit meeqqamut pingaaruteqarnerpaat attaveqarfinginissaat kipitiinnarsinnaanngilaa – taamaattumik isumaqartarpuk atukkatik naammagittarlutik atortariaqarlugit, imminnullu salloqittartariaqartarlutik misigisartik aamma taama ajortiginngitsoq.

Saqquummiusaq 11

Sumiginnaariatsit

Paarinerluineq
Timikkut nakuuserneq
Kinguaassiutitigut innarliineq
Misigissutsikkut sumiginnagaaneq


Meeqqap siunertai – pisariaqartitai, suut uku maluginiagassaasut,
Nukissaaleqineq, nukissat sumut atorneqarpat?
Nukissaqarneq, nukissat sumut atorneqarpat?

Atukkat assigiinngitsut tunuliaqutaralugit meeqqap imminiussusia saqqummertarpoq:
Avatangiisit meeqqap pisariaqartitaanik **tunniussuisut** aammalu nalinginnaasunik meeqqamut ilinniartitsinissaminnik eqqumaffiginnittut, meeqqap ilumini piginnaanerminik atuilluarnissaanut iluaquataapput, avatangiisilli tamakkuningga **takkuitsoortut** imaluunniit toqqaannartumik meeqqamik naalliutsitsisut meeqqap ilumini piginnaanerminik atuilluarnissaanut ajornarerulersitsisarput.

Meeraq avatangiisiminit isumassuinermik naapitsinngikkuni, meeqqap taassuma inuttut kinaassusinimik nittaassiniissani ajornakusoortissavaa. Meeqqap naleqassutsimi maluginiarnissaa amigaatigissavaa, suut nalinginnaanersut suullu nalinginnaannginnersut malugisinnaanngilai ilisimasqafiginagillu, aammalu suut ima naleqartigisut allaat sapinngisaq tamaat sorsutigisassaallutik, aammattaaq naluaa suut soqutaarpianngitsut imaaliallaannaq taarserneqarsinnaanerut, taamaattumillu imatorsuaq iliuuseqarfigisariaqarnatik. Taamaalilluni meeraq imminut tatiginngeqqajaasunngortarpoq annilaangaqqajaasuullunilu, tassami avatangiisimini qanoq pisoqarneranik maluginninniutissaminik atortussanik peqannginnami. Allatut saperami meeraq nammineq ilumineq qanoq pisoqarnera malillugu imminut nalilsortuartariaqarpoq, imminullu pitsaanerpaamik qinersinissaminut uuttortaatissaqarnani.

Saqqumersitaq 12

Takussutissaq: Ilaqutariit paaqqinnittut attavigisartagaat



Ilaqutariinnut paaqqutarinnittunut inissiineq aammalu inissiinermut peqqutaasinnaasunut assersuutit assigiinngitsut

- attaveqarneq – avissaarneq – annaasaqarneq
- nalaataqarnermit timikkut tarnikkulluunniit kingunerlutsitsineq
- sumiginnaaneq
- innarluuteqarneq
- piginnaasat killiffiat